

Mester permiso awor pa opera crèche



Pagina 3

KvK no ta ni pro ni contra niun partido politico



Pagina 2



Discrepancia grandi den prijs y calidad di producto

Pagina 3



Fietspad di 10 kilometer lo bin

Pagina 31

AWE

MINI
MEGA

MEGA PLUS

Cu 2 florin mas, bo por gana e **MEGA PLUS**

* Afl. **2.000.000,-**

* Afl. 1.350.000,- + Afl. 650.000,-
extra

Obtenibel na cualkier rebendedo di Lotto.

f

Twitter

YouTube

lotto

KvK: no ta pro ni contra di niun partido politico



ORANJESTAD- Ayera tardi, Camara di Comercio di Aruba (KvK) a tene un conferencia di prensa hunto cu e lidernan di cuater di e shete partidonan cu lo participa den nan debate politico di diahuebs awor.

Hulanda, pa cual motibo e no tabata presente. Cada un di e lidernan politico aki lo representa nan respective partido den e debate cu lo tuma luga pa 7or anochi den e ballroom di Marriott Hotel. Durante e conferencia aki cada lider politico a trece brevemente nan punto di bista tocante nan

sigui cu esnan cu si a responde.” El a laga sa cu partido CURPA tambe a haya invitacion, pero nunca nan a responde. Sinembargo cierto momento cu KvK tabata cla cu tur cos rond di e debate aki, nan a reacciona pero tabata laat, ya cu nan no por adapta nan pro-

Di otro banda el a expresa cu e ta contento cu e grupo di Milenium tambe ta trahando pa organisa un debate y KvK ta encurasha esaki. Encuanto e critica di falta di democracia y imparcial cu un di e partidonan cu no ta participa a haci den direccion di KvK, sr. Mohamed a indica cu no ta corecto ya cu e debate ta imparcial. “Esaki ta e unico modo cu KvK ta conoce. KvK no ta conoce niun parcialidad pa niun hende. Nos ta independiente.” El a agrega cu “KvK no ta pro ni contra di niun partido”; ya cu tur partido a haya e mesun invitacion pa participa den nan debate politico. El a priminti un debate di nivel basa riba puntonan cu lo muestra cual partido lo por trece e miho solucion pa e proximo cuater aña. “Nos a haci esaki di mil amor. Nos a haci esaki como cu KvK semper ta para pa duna tur hende un bista di kico ta pasando.” Tambe el a argumenta cu KvK a bin cu e debate po-

litico aki como cu den pasado nan a yega di organis’e cu bon calidad.

Trahamento di preguntanan

Tambe el a indica cu niun hende tin e preguntanan actualmente, ni e mes. KvK a instala un comision independiente di tur cos. Nan ta formulando e prome parti di e preguntanan. Tur hende por formula pregunta ainda via Facebook y e-mail riba e debate organisa pa KvK. E comision ta evalua nan, y nan ta tuma esunnan bon forma riba un topico specifico. Tambe den e sala di e debate, e publico tin oportunidad pa canalisa nan preguntanan. P’esey el a sugeri pa tur hende ta bon prepara riba tur topico cu ta tumando luga den nos comunidad pa asina debati debidamente.

Encuanto e preguntanan cu e participantenan politico mester debati riba nan, sr. Mohamed a bisa cu lo bay tin tres ronda di pregunta. E ta hinca di e forma 2-2-3 unda nan ta tira lot pa cada ronda. Na cada ronda e participante ta haya nan preguntanan y nan ta contesta 2-2-3 pa asina nan tur ta haya un chens pa contesta nan. Tambe esunnan cu no ta riba stage kiermen cu nan ta na banda, nan lo por contesta e preguntanan via Facebook di TeleAruba.

El a anuncia cu tin ticket na benta ainda na un prijs special pa tur persona interesa. Pa studentenan cu kier asisti na e debate aki y e hendenan 60 plus, e balor pa nan ta 70 florin, pero nan mester demostra esey. Si e hende no tin acceso pa paga e ticket nan por sigui e debate via TeleAruba y participa via Facebook den dje.



Presidente di KvK, Ernst Mohamed a declara cu tur cos ta cla pa e debate. Mientras cu e directora di KvK, Sonja Velthuizen y algun miembro di directiva a splica na cada lider politico presente e logistica of dinamica di e debate aki.

E lidernan politico presente tabata Holmo Henriquez di MAS; Benny Nisbet di PPA; Ricardo Croes di RED y Candelario “Booshi” Wever di UPP. Presidente di KvK a informa cu tanto e lidernan politico di AVP, Mike Eman y di MEP, Evelyn Wever-Croes a disculpa nan mes. Mientras cu e lider di POR, Otmar Oduber tabata pasando un momento tristo, ya cu un famia di dje a fayece na

expectativa riba e debate aki; y kico nan kier trece dilanti den nomber di nan partido.

ABO y CURPA no ta participa

Presidente di KvK a laga sa cu e debate lo wordo transmiti live via TeleAruba, ya cu e lo ta interesante pa comunidad por haya informacion riba e diferente puntonan di bista. Tur shete partido a confirma nan participacion. El a referi na e dos partido ABO y CURPA cu no ta participa den e debate aki.

Sr. Mohamed a bisa cu KvK a invita e partido ABO, pero despues di varios intento e partido aki no a responde y consecuentemente a keda afo; ya cu KvK mester sigui cu nan programa. “Nos a

grama un biaha mas.

Imparcialidad



Discrepancia hopi grandi den prijs y calidad di producto



ORANJESTAD - Gobierno ta admiti cu tin discrepancianan hopi grandi den prijs y calidad di producto y nan tin esaki bou atencion.

Gobierno mes ta regula e prijs di 16 producto cual ta wordo yama e macutu basico. Segun minister di Asuntunan Economico Richard Arends ta conta Bon Dia Aruba, gobierno ta explorando maneranan pa introduci un otro concepto di macutu basico cual tambe lo ta mas saludabel.

Control

Prijsnan di macutu basico ta riba comestibel di prome necesidad. Esey ta loke ta wordo controla hunto cu prijs di gasolin. Gobierno mes no ta importa ningun producto, pues ta den man di e consumidor y importador cu ta fiha e prijs segun minister Arends. "Obviamente nos ta na altura si cu tin discrepancianan hopi grandi no solamente den prijs pero den e

calidad di e producto. Esey tin mi atencion como minister di Asuntunan Economico pero tambe minister di Justicia y Salubridad Publico pa controla e calidad di produccion cu tin den e supermercadonan."

Segun minister Arends, durante añanan nan ta haci "spot checks" na otro luganan cu supermercado, manera restaurant y luganan cu ta trata cu cuminda ta wordo controla. "Departamento di Asuntunan Economico no ta controla solamente e prijs, pero tambe e meta cu e establecimentonan aki tin. Cu nan ta cumpli cu e vestigingsvergunning cu a wordo otorga y bende loke nan tin permiso pa bende."

Diferencia di prijs excesivo

Pues fuera di loke tin den e macutu basico, segun e mandatario ta splica nos, no ta tarea di gobierno pa controla prijsnan. Pero si ora cu tin prijsnan diferente na un



escala "excesivo" den comercio segun minister Arends subraya. "Pues algo cu por ta 1 florin na un tienda y 20 florin na e otro, eynan Dienst Huur en Consumenten Bescherming por tin un rol." Pa loke ta supermercado, ta 185 supermercado tin anto segun e mandatario, su departamento ta regularmente controla nan prijsnan via e macutu basico. "Yega duna un multa ta un medida poco extremo. Si ta duna e comerciante e oportu-

nidad pa cambia cualkier cos cu e controladonan di prijs ta haya mester wordo cambia."

Mercado liber

E mandatario ta splica Bon Dia Aruba cu partimento di multa a yega di sosode den pasado pero mayoria di biaha e comerciante mes ta ahusta e prijs anto no ta yega oficialmente como un accion cu mester tuma luga. "Mi no ta kere cu gobierno mester interveni mucho den loke ta trata mercado liber. Nos ta biba den un sociedad liber, un mercado liber unda tur hende su derecho ta protegi. Di e consumidor como tambe di e comerciante. Nos no ta biba den un 'police state' unda cu un gobierno mester controla tur cos. Mi ta kere nos ta podera e consumidornan hopi. Rednan social mes ta yuda nos hopi pa por controla kico ta pasando."

E mandatario ta conclui cu loke si gobierno mester garantisa ta un 'level playing

field' cu tur hende cumpli cu e rekisitonan stipula pa por haci un negoshi. Recientemente cu e moratorio, e mandatario ta indica cu esaki di berdad ta e ultimo remedi cu gobierno ta uza pa interferi den mercado liber. "E ta algo cu no ta facil y bo mester tin grounds hopi fuerte pa nan pa por ehecuta algo asina. Pasobra bo ta frena actividad economico."

Den pasado ministernan di asuntunan economico manera Nilo Swaen (MEP) y Michelle Hooyboer-Winklaar (AVP) a priminti pa bin cu leynan di Mededinging y tambe miho proteccion di consumidornan. Pa asina garantisa e 'level playing field' y por ehempel por tin instrumentonan pa combati 'prijsaafspraak' entre companianan cu ta perhudica competitidonan y consumidornan. Sinembargo añanan a pasa y e leynan, aunke nan a traha riba nan y hasta yega asina leu cu conceptonan di ley, te ainda no a pasa den parlamento.

Ley aproba pa regla y controla crèche

ORANJESTAD - Despues di mas cu 10 aña unda gobierno a cuminsa cu e trayecto pa regla crèche, ayera nan a yega un logro grandi cu e ley di Kinderopvang, aproba unanimamente den parlamento. Centronan di cuida awor mester di un permiso pa opera.

Desde 1996 tabatin un concepto di ley caba, pero aña pasa a entrega e concepto finalmente na parlamento. Minister di Enseñansa Michelle Hooyboer-Winklaar ta informa cu tin fasenan transitorio pa e rekisitonan pa asina e centronan di cuida existente por haya suficiente tempo pa adapta. Por ehempel un exigencia ta cu lo limita e cantidad di mucha pa begeleider:

Articulo 13

- max 6 mucha entre edad 6 siman te 1 aña
 - max 10 mucha entre edad 1 te 2 aña;
 - max 12 mucha entre 2 aña te cu 3 aña;
 - max 13 mucha entre 3 aña te cu 4 aña;
- Si ta trata di grupo di edad mixto, e ta e averahe di e dos categoria, segun e minister.

Gobierno lo stipula un fecha cu e ley lo drenta na vigor. Esaki ta premira entre 6 pa 12 luna y pa e diferente exigencianan di calidad lo stipula periodonan di transito. Un ehempel ta cu lo duna un periodo di transito di dos aña pa e ratio, esta e cantidad di mucha per begeleider. Lo traha hunto cu Fundacion Pa Nos Muchanan y e Centronan pa trece tur informacion necesario cerca di e centronan.

Prijsnan di cuida

"A tene cuenta cu e aspecto cu cualkier exigencia di ley demasiado pisa of rapido por causa un impacto riba prijs, y pa esaki e punto di salida di e ley tabata pa haci den fase, cu exigencianan logico y razonabel, y dunando un periodo di tempo amplio pa por cumpli cu tur rekisito. Tur esaki cu enfasis riba calidad y siguridad di nos muchanan", minister Hooyboer-Winklaar ta splica.

Esaki ta un di puntonan cu Rosalin Kock a trece dilanti aña pasa den un encuentro cu doñonan di e centronan di cuida riba e concepto di ley. Sra. Kock cu den cuadro di su estudio a haci un investigacion, a remarca cu e ley siguramente ta necesario. Pero cu e ley ta solamente e comienso. Pasobra e ley ta duna e centro-

nan di cuida hopi mas trabou, segun e, mientras nan tin nan man yen caba y hopi biaha ta traha cu tiki personal pa asina mantene e prijsnan abou. Sra. Kock e ora a boga pa un sosten financiero di banda di gobierno, manera tin den otro paisnan. Na Aruba gobierno ya ta subsidia Traimerdia. Segun sra. Kock e ta hopi importante pa e crèchenan ta keda pagabel pasobra tin hopi famia cu ta gana e sueldo minimo. "Nan tambe mester haya e oportunidad pa por manda nan yiu pa un centro di cuida bon", asina el a bisa den un entrevista aña pasa cu nos.

Den parlamento tabatin atencion pa e punto aki, como cu e fraccion di AVP a entrega un mocion cual tur fraccion tambe a sostene. E mocion ta encera pa haci un estudio di posibilidadnan di co-financiamiento (subsidio directo,

reduccion fiscal) via gobierno y doñonan di trabou.

Educacion minimo

Un otro aspecto importante di e ley ta cu lo bin exigencianan pa e begeleidernan di e muchanan pa nan educacion. E nivel di enseñansa minimo cu esunnan cu ta traha den un centro mester tin (LBO). Gobierno lo bin cu e programa di training pa esunnan cu ta traha den e centronan pa ofrece opleiding di LBO pa tur cu ainda no tin diploma. Den e training aki lo tene cuenta cu e experiencia cu e lidernan tin y cu e competencianan cu nan a adkiri den nan trabou, segun e ministerio di Enseñansa. Tambe nan mester un bewijs di bon conducta pa asina evita cu personanan cu strafkaart lo traha den e centronan. E ley tambe \ ta bin cu rekisitonan pa siguridad y higiena.

DIP lo ricibi cobranza di erfpacht via email

ORANJESTAD - Na DIP tin un proyecto den finalisacion pa mehora, amplia y modernisa e aplicacion cu ta wordo uza pa entre otro registra e derechonan di erfpacht otorga y genera e cobranzanan anual pa esakinan.

Mehoracionnan en general segun e departamento, ta encera cu lo por registra mas tipo di derecho den e mes aplicacion y tambe genera cobranzanan di forma mas




lihe y automatiza. Un mehoracion specifico ta cu lo bira posibel pa ricibi cobranza di erfpacht via e-mail en bes di via post.

Tur persona of otro entidad legal cu ta desea di ricibi nan cobranza di erfpacht via mail, por manda un e-mail na info@dip.aw.

Den e espacio pa "subject" mester yena "aanslag via e-mail". Sea asina bon di pone den e texto di e mail: 1. e persoonsnummer di e enti-

dad cu tin e derecho; 2. identificacion (kadastraal) di e percela(nan) pa cua ta desea di ricibi e aanslag via e-mail; 3. ariba cua e-mailadres(nan) ta desea di haya e cobranza. En conexion cu trabounan cu mester tuma luga pa saca cobranza di 2017 solamente e-mailnan cu drenta prome cu 15 di juni por wordo registra pa haya e cobranza di erfpacht 2017 via e-mail. E-mailnan cu wordo ricibi despues di dia 15 di juni lo wordo uza pa cobranza di 2018.

Polis cu detencion rapido di sospechosonan di atraco



ORANJESTAD – Ayera mainta un team di recherche a haci algun detencion di personanan involvi den crimen. E team di recherche ta buscando un grupo grandi

di atracado, tanto local como stranhero, cu ta sospechoso den e atraconan recien. Tin un lista di nomber y adres di sospechoso basta largo, cual a conduci na basta recherche

riba caya ta vigila nan pa realisa nan detencion. E detencion aki a bay cu masha cautela, debi cu algun di e sospechosonan tabatin arma den nan poder.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #1330772

Redactor Ehecutivo

Zulaica Maduro
Nicola Gonzalez

Redaccion

Benjamin Romero
Leo Maduro
Dino Tromp
Efraim Odor
Fabiola Cardenas

Ehecutivo di Benta

Marijke Croes-Luidens
Mark Gomes

Aviso y Arte

Sandra Loefstop
Lando Rafael
Gladis Palomino-Silva

Administracion

Xiomara Arends (Hefe)
Mariette Engelhart
Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Yair Gambin
Francis Dirksz

Colaboracion

Sharina Henriquez
Associated Press
Ret Karibense
Upload Media Aruba
Yakari Gabriel

Afiliacion

Sociedad Interamerica
di Prensa (SIP)

DIRECCION

Weststraat #22

Tel: 582-7800 / Fax: 582-7044

email: noticia@bondia.com

aviso@bondia.com

BON DIA ARUBA

Ta un Corantredacta y imprimi na
Aruba y ta obtenibel di Dialuna te
cu Diasabra. Ningun contenido
por wordo reproduci sin permiso
di Editor. www.bondia24.com

Editorial

Stop uitzendbureau di importa stranhero

Recientemente Departamento di Labor a emiti un relato di prensa den cual nan ta referi na e problemanan cu tin cu 'uitzendbureau', sin splica realmente kico ta e problema andando. E problema ta cu ta permiti e uitzendbureau pidi permiso pa stranhero bin traha na Aruba. Aki e contradiccion ta cuminsa. En principio un empresa por trece personal di exterior pa traha na Aruba. Un uitzendbureau tambe tin e derecho aki? Segun e ley (LTUV) cu Dimas ta mancha, no sin mas. E ley ta referi claramente na e 'werkgever' (dunado di trabao) cu ta responsabel pa pidi e permiso pa e empleado cu ta bin traha den su servicio.

Awor, e trahado di exterior ey ta bin traha pa e uitzendbureau? Nan mester firma un contracto laboral, manera tur otro doño di trabao mester firma cu nan empleadonan? No, pasobra si nan hacie, e empleado no ta un 'uitzendkracht' cu ta bay traha cerca otro temporalmente, te e momento cu e empresa no mester o no kier su servicio mas. E no por keda sin trabao sin mas.

Con e asunto aki ta hinca den otro cu ta permiti uitzendbureau pa pidi permiso pa trahado stranhero, sin cu nan ta empleado di e uitzendbureau, y por lo tanto sin e derechonan di un empleado segun nos Codigo Civil? Pasobra otro dunado di trabao mester presenta un contracto pa tempo indefini ("voor onbepaalde tijd") pa nan por importa trahado. Kico a pasa aki cu a tuma e decision cu uitzendbureau ta 'dunado di trabao' den sentido di ley anto nan tambe por importa trahado? Aparte di e punto cu nos ta di opinion cu pa ley un uitzendbureau no ta cualifica como dunado di trabao pa por haci esaki, tin e punto di e consecucionan pa e trahado unabes cu e haya e permiso y ta 'den servicio' di e uitzendbureau.

Si nos a comprende e splicacion di un insider bon, a bay di acuerdo pa uitzendbureau pidi y haya permiso pa trahado di exterior, haciendo e promesa cu nan ta percura cu nan tin empleo na tur momento. Anto henter e 'problema' di cual ta papia ta bira mas cla: nan a priminti, pero no ta cumpli. Y mientras cu di otro dunado di trabao e autoridadnan concerni tin un copia di un contracto laboral den nan man, a base di cual por actua pa existi cumplimiento di pago di salario, prima, belasting, etc., den caso di e uitzendbureau

nan tin un 'promesa'? Un promesa firma? Un garantia firma, cu ta crea e mesun obligacion cu otro empresa? Anto awor tin lagrima y lamento, pasobra nan no ta cumpli? Den tur e añanan aki cu esaki ta andando, ta te awor nos autoridadnan ta bin ripara kico ta pasando?

Nos tin un solucion masha simpel pa henter e asunto aki: prohibi uitzendbureau pa pidi permiso pa trahado di exterior, punto. Segun nos opinion, nunca tabata e intencion cu hasta den e tipo di trabao temporal aki e trahado Arubano ta topa cu e competencia di e stranhero, cu ademas tin un bentaha riba dje: mientras cu e trahado local, ora e empresa unda nan mand'e traha, no mester o no kier e mas, ta cas e ta bay, sin pago, sin ningun proteccion. Contrario na esey, e trahado stranhero tin e promesa, pues e obligacion di e uitzendbureau pa percura pa e por sigui cobra. Ta ken ta sali perdi atrobe? E trahado Arubano, cu por cierto tin un voto pa eligi cual partido e kier pa goberna e proximo cuatro añanan. E tin menos derecho cu e trahado stranhero cu no por vota!

Anto ta bira tempo pa nos cuminsa drecha e asuntunan aki 'de una vez por todas'. Asina nos ta mira tambe cu e problema laboral ta hopi mas grandi cu e caso di corrupcion den cual e ministro encarga cu labor ta envolvi. No ta e problema di 'onthefing' so ta existi, pero tin mas asunto, manera esun aki, cu ta existi un investigacion mas profundo ta con e cos aki a yega asina leu.

Pero tin algo mas. Aparentemente den e ultimo añanan aki keto bay e informacion di Dimas tocante e personanan di exterior cu a haya permiso, y por lo tanto tin un dunado di trabao cu debe loonbelasting, prima di AZV y AOV, no ta yega unda e mester yega. Ta parce cu nos autoridadnan no kier cumpli y ta laga esnan cu nan kier haci y deshaci, mientras cu otro empresario si mester cumpli cabalmente cu ley. Kico por ta asina dificil di duna AZV, Servicio di Impuesto, SVb tur informacion, tur luna, o tur siman. Si nan ta traha estilo 'picapiedra' ainda, no ta nada, pone tur cos riba un stick y duna nan. Manera nos a bisa den nos edicion di ayera, esaki ta e cosnan cu no mester di warda te ora cu e sistema di computer supermoderno yega na nan porta. Esaki ta simplemente falta di boluntad. Riba orden di ken?

Hoben herida cu tiro di arma di candela na cabes durante “plantón” na Valencia

VENEZUELA (ElNacional).-Dialuna Luis Guillermo Espinoza Castillo a haya un tiro for di un arma di candela, ora cu e tabata participa na un actividad di protesta cu nan ta yama “plantón” na sector di Tulipan di municipio San Diego, di estado Carabobo.




E hoben a ser hiba pa un centro medico caminda el a ser atendi. E informacion a ser publica pa dirigente di Voluntad Popular Salvatore Lucchese, cu a bisa cu e herido tin 16 aña.

E actividad a ser convoca pa Mesa di Unidad pa protesta contra gobierno di Nicolas Maduro y pa rechasa e convocatorio di asamblea nacional constituyente, pa asina cambia e consti-

tucion.

E suceso a ser informa pa varios dirigente di oposicion. Segun denuncia haci ta considera cu e responsabel di e suceso aki ta funcionario di Guardia Nacional, como autor di e agresion aki.

Gobierno a anuncia medida riba bienes di FARC



COLOMBIA (ElTiempo).- Dialuna fiscal general Nestor Humberto Martinez a bisa cu gobierno di Colombia a tuma e decision di cumpli cu e decreto cu forsa di ley cu a sali fin di luna cu a pasa, den cual ta dicidi riba e destino di tur propiedad ilegal cu autoridad lo tuma di FARC.



Martinez a bisa cu el a papia cu ministro pa e postconflicto, Rafael Pardo, cu a confirma cu tur e propiedadnan por beneficia miembro di guerriya, cu a keda discapacita pa causa di guerra.

Na ultimo ora, fiscal a denuncia cu e decreto di ley 903, cu a sali segun facultad cu presidente Juan Manuel Santos tabatin, y cu a vence caba, lo permiti cu guerriya por beneficia di propiedadnan ilegal cu FARC lo entrega na autoridadnan.

Pardo a sigura cu lo crea “condicion specifico cu un decreto ordinario cu no a sali ainda.

Propiedadnan di FARC lo ser usa pa compensa victima di e conflicto.”

Di acuerdo cu Martinez, te awor autoridad a confisca 3.389 propiedad di FARC, cu tin un balor di 1.1 biyon di peso Colombiano.

“Ora cu autoridad ta cumpli cu nan funcion, no ta pone palo na wiel,” Fiscal a bisa na momento cu e tabata papia tocante hende cu a señal’e como esun cu ta dañá proceso di paz.

Martinez a manifesta cu den cooperacion cu algun pais di Centroamerica y di departamento di estado di Merca ta trahando pa confisca propiedad den exterior.

Kico mester sa tocante muraya cu Ecuador ta construi na frontera cu Peru?

PERU - ECUADOR (InfoBae).- Peru a solicita splicacion na Ecuador pa un muraya cu nan ta construi na frontera comun, riba un espacio cu segun fiscalia mester keda liber pa cumpli cu un acuerdo bilateral cu tur dos a firma. Sin embargo Quito a bisa cu ta cumpli cu tur acuerdo estableci caba y cu e muraya no ta prohibi e paso di personanan.

“E muraya lo tin un largura di 2000 meter aunke Ecuador a sigura cu lo tin 800 meter na total. Aki nos tin 3 punto pa por comprende e problema cu ta presenta entre e dos paisnan.

1. E muraya

E muraya ta na banda di Ecuador na localidad di Huaquillas y na e banda di Peru na localidad di Aguas Verdes.

Algun tempo pasa tur dos ciudad tabata separa pa un canal di riu Zarumilla. Ecuador y Peru ta comparti un frontera di 1500 kilometer.

E estructura aki ta parti di un proyecto cu a ser nombra “Parque Lineal de Huaquillas”, cu ta un proyecto recreativo cu planificacion pa construi un zona comercial, espacio berde y di recreacion.

2. no tin acuerdo

Segun fuente diplomatico, na aña 1998,

despues di conflicto arma cu Peru y Ecuador tabatin tres aña prome, nan a firma un tratado di paz, caminda tur dos parti a compromete nan mes pa laga 10 meter di cada banda di e canal liber di construccion, pa haci limpi. E muraya di Ecuador ta riba e teritorio cu mester ta liber, segun Lima. Pesey canciyeria di Peru a pidi informacion na canciyeria di Ecuador

E obra a cuminsa despues cu e mandato di presidente Rafael Correa a finalisa y awor e ta den man di presidente actual Lenin Moreno cu a bishita Peru poco dia pasa como presidente electo. Durante su bishita el a reuni cu presidente Pedro Pablo Kuczynski tambe.

Na momento cu a tuma lugar e reunion entre e dos presidentenan, nan a compromete nan mes pa mantene un relacion bilateral hopi

bon. E presidente a bay Ecuador pa instalacion di Moreno como presidente.

3. Kico Ecuador ta bisa?

E pais bisiña ta bisa cu nan ta construi un parke lineal cu ta cumpli cu tur acuerdo cu nan a firma, y cu e muraya no ta prohibi e transito di persona. Ecuador ta bisa cu e construccion ta purba di mehora e apariencia di frontera, lucha contra contrabando y ordena un sector cu tin hopi construccion informal. Marco Zumba, funcionario di Ministerio di Vivienda di Ecuador a splica cu e proyecto tin den su planificacion e construccion di un area pa cana na zona di ‘Playitas Sur’, pa asina permiti e paso comercial di Peruano y Ecuatoriano. El a splica cu e obra ta purba di mehora y regula e comercio internacional y asina evita inundacion na canal di riu Zarumilla den invierno.



Segun conteo rapido

Candidato di Partido Revolucionario Institucional a gana eleccion na estado di Mexico

MEXICO (Terra).- Candidato oficial di Partido Revolucionario Institucional (PRI) Alfredo del Mazo tin bentaha di dos punto di porciento riba Delfina Gomez, candidato di e partido di izquierda Movimiento Regeneración Nacional (Morena), asina un conteo rapido di autoridad electoral ta bisa.

Aunke e conteo rapido (un conteo cu ta tuma un muestra representativo di 1347 papel di votacion) a duna e bentaha na del Mazo, e conteo di 19.3% di e cantidad di voto cu a keda cla te ayera ta pone Gomez dilanti como ganador cu 32.3% den comparacion cu 31.2% di candidato del Mazo. Pedro Zamudio a bisa cu e candidato di PRI a acumula entre 32,75 % y el 33,59 % di voto, mientras cu candidato di Morena a haya entre 30,73 % y 31,53 % di e votonan.



Ta un diferencia grandi entre e prome y di dos candidato, Zamudio a indica. E conteo lihe, ti un nivel di confianza di 95% y ta considera como un ejercicio di estadistica hopi preciso," aunke e informacion no ta definitivo.

Na di tres lugar ta e candidato di izquierda Juan Zepeda, di Partido de la Revolución Democrática, cu voto entre 17,6 % y 18,28 %, sigui pa e candidato di Acción Nacional (PAN), Josefina Vázquez Mota, cu a haya entre 10,99 % y 11,57 % di voto.

Hopi leu a keda e candidato independiente pa gobernador, María Teresa Castell, cu voto di 2,15 % a 2,27 %. Y candidato Óscar González Yáñez, cu 1,03 % y 1,13% di cantidad di voto, di partido di trabao.

E conteo rapido a situa e participacion electoral entre 53,31 % y 54,15 %, riba e 46% cu a ser raporta na eleccion di 2011 y e 43 % na 2005, tempo cu Enrique Peña Nieto, presidente actual, a ser eligi presidente gobernador di estado di Mexico. Morena a denuncia un campaña masal di cumpra voto y presion riba e votador, cu menasa via telefon y un practica conoci como "acarreo" caminda hopi hende ta hiba otro riba truck of den taxi te na centro di votacion.

PAN a raporta problema den proceso di eleccion, cu ta varia di uso di recurso publico y federal pa duna regalo, te na intervencion di institucion publico pa calumnia.

Instituto Nacional Electoral (INE) a reconoce existencia di hopi incidente, entre nan propaganda di partido paden y pafu di algun mesa di eleccion, falta di funcionario, elector cu a vota sin haya su mes riba e lista.

E dia prome cu eleccion tabata marca pa incidente. A desaparece dos representante di Morena na estado di Mexico, como tambe e presencia di cabes di porco, papel electoral falso y flor pa morto na sede politico y cas di representante di centro di votacion.

E eleccion na estado di Mexico ta e lugar mas pobla di henter Mexico y cu mayor cantidad di hende cu por vota, como 11.3 miyon. Eleccion na ciudad di Mexico a centra atencion riba e dia aki, cu ta un prueba mas di e hegemonia di PRI pa mas di 9 decada den poder.

Ademas di estado di Mexico, tambe a tene eleccion pa congreso local y ayuntamiento na estado di Coahuila y Nayarit. Na Veracruz a renoba alcaldia tambe.



Scandal di lechi na Peru: Marca grandi ta bende mescla pa gaña consumidor

PERU (InfoBae).- Walter Gutiérrez, defensor di pueblo di Peru a considera un engaño cu tin empresa di producto lacteo na Peru, cu ta bende un mescla cu ta parece lechi, y a pidi autoridadnan pa sanciona e practica aki, cu ta viola e norma legal.

"E informacion cu ta riba etiketa ta gaña consumidor. E empresa ta viola dos regla: mester tin informacion; y ta dañe e expectativa di nan clientenan," Gutiérrez a splica. Asociacion peruano di consumidor y usuario (Aspec) a denuncia cu dos empresa di lacteo ta bende na Peru un producto mescla, cu ta parece leche evapora, pero no ta lechi. E organismo a pronuncia su mes despues cu autoridad di Panama a comunica cu no lo acepta e entrada di e producto den su mercado, di marca manera "Pura Vida" cu ta produci pa un grupo di empresa di Peru conoci como Gloria. E decision por cambia na momento cu nan cuminsa cu kita e etiketa cu ta bisa cu ta un lechi evapora, y asina bisa cu ta un mescla di lechi di baca, cu soya y otro ingrediente.

Gutiérrez a señala cu e organismo cu ta supervisor di Peru mester duna sancion corespondiente na e empresanan, y a pidi pa autoridadnan cu nan mester muestra nan compromiso cu consumidor.

"Ta hopi importante cu Indecopi por mostra cu tin un compromiso cu e proteccion di consumidor como tambe un interpretacion corecto di codigo di proteccion pa e consumidor".

Grupo Gloria a acepta cu e producto cu nan ta bende na Panama no ta lechi evapora y a sigura cu lo cambia e contenido di su etiketa pa asina cumpli cu e norma cu ta aplica na e pais Centroamericano, aunke nan a bisa cu no lo cambia esaki na Peru, pasobra supuestamente e ta cumpli cu tur requisito cu ta solicita pa autoridadnan di Peru.

Aspec a bisa cu no ta berdad

y a comunica cu a traha un revision di cinco marca di lechi mas bendi na mercado local como lechi evapora, pa asina comproba si e informacion cu ta riba etiketanan ta berdad.

duna di conoce na opinion publico e accion cu lo tuma pa cu e situacion grave aki." Nan a denuncia tambe cu companianan ta viola e principio di berdad den publicidad," ora cu nan ta pone



Producto "Pura Vida y Reina del Campo", cu ta pertenece na empresa Gloria y Nestle no ta cumpli cu e legislacion nacional, pesey no por bende na Peru mas bao denominacion di "lechi evapora". "Na productonan cu a ser analisa ta cla cu igual cu na Panama, e etiketa na Peru no tin informacion di naturaleza di e producto," Aspec a comunica despues cu a informa cu den e proximo dianan lo

potret di baca riba etiketa, y asina purba di convence e publico cu ta cumpra lechi so, mientras cu e berdad ta, cu e producto ta un mix cu producto vegetal. Indecopi a informa cu nan ta analisa e caso aki, den un reunion cu organismo encarga cu supervision di cuminda. Asociacion di ganadero di lechi a convoca un rueda di prensa pa asina duna nan opinion riba e topico aki.

Sismo di magnitud grandi a afecta norte di Peru

PERU (BioBio).- Un sismo di magnitud 6, 2 a keda registra dialuna mainta na norte di Peru, lagando dos persona herida y un cas afecta, servicio di emergencia di Peru a raporta.

A registra e epicentro di e sismo na 43 kilometer na este di ciudad di Mancora, na Piura. E region di Tumbes, cerca di frontera cu Ecuador a sinti e movecion tambe. E sismo a registra na un profundidad

di 18 kilometer.

"Raport ta indica cu dos persona a keda herida y un cas afecta na localidad di Puerto la Cruz, region Tumbes (norte)," Instituto Nacional di Defensa Civil di Peru a publica riba Twitter.

"Segun Instituto di defensa civil e sismo a keda registra na localidad di Piura y Tumbes (na frontera cu Ecuador).

"E movecion tabata hopi duro. E poblacion a sali na caya (...) Tabata un tempo corto pero hopi fuerte. E cas tabata crak," Jorge Luis Barrientos a bisa.

Frente/PAN ta preocupa cu turismo local ta den crisis serio

WILLEMSTAD - Partidonan Frente Obrero/P.A.N. ta hopi preocupa cu situacion di turismo local, pa e siguien-te motibonan:

- Turismo ta un di E mas importante pilanan di economia di Corsou;
- 800.000.000 di florin a wordo inverti den ultimo 20 añanan (x 40 miyon) den turismo;
- Discriminacion keto bay den turismo! No ke elimina Visa y ta restringi bishitantenan;
- Aerolineanan un tras di otro ta stop di bula pa Corsou como destinacion turistico;
- Hotelnan (Marriot, Plaza y Paradise Hotel & Casino) a cera nan porta i tin diferente hotel mas, cu



ta confrontando problema pa mantene cabes riba awa;

- Clase trahado (250 Marriot, 150+ Insel-Air, 60 Plaza Hotel y 50 Paradise Hotel & Casino) ta perde trabou;
- Plannan pa construcion di mas hotel (ta keda riba papel so di sketch);
- Cadenanan di re-

nombre internacional (entre otro Hyatt), (ta bay laga Corsou y niun nobo a bini na esakinan su lugan;

- Atraco, mal servicio y NO oportunidad, pa e hende local tambe haya participacion ta cabando poco poco, pero sigur cu e industria turistico;

- Cifranan di turismo en general (stayover/cruise arrivals/total nights), ta den decadencia (-/-5052 turista, wak luna di april 2016 versus april 2017);

- Producto turistico local, inferior compara cu region. Artistanan famoso no ta ser trece Corsou cu fre-

cuencia. Ehempel, Aruba si tur siman/luna tin un of mas artista ta actua;

- Prijsnan/tarifanan (awa, coriente, transporte, alohamento, cuminda y bebida, aparatonan electronico), ta halto pa haci negoshi; Conclusion. E efecto Spin-off ta; empresario/trahado no por cubri gastonan diario mas, desempleo y economia ta bira victima.

Algo mester ser haci lihe, pa evita un collapse total, caminda 182.7 miyon di dollar, cu turismo ta genera, tambe ta ser saca for di economia local (fuente CTB)! Mester ban pa Turismo duradero! Esaki ta e herment pa futuro desaroyo(nan), asina Anthony Godett di e aliansa politico ta bisa.

Tabata uza bela pa claridad

Cas caminda dama a muri den candela no tabatin coriente



WILLEMSTAD - E cas caminda un dama a muri ayera nochi den un candela no tabatin coriente.

Tabata uza bela pa e scuridad den e cas. E caso ta ilustra cu contrain a e precision cu ta reina, no ta tur hende tin coriente. Por cierto keto bay tin un grupo sin awa no obstante tur promesa. Te ainda no a duna identidad di e persona den e cas. Tin un investigacion profundo tumando lugan den e caso aki.

Polis a informa, cu tabata den

careda di 23.14or cu Central di Polis a dirigi un unidad policial na Yukonweg pa un cas cu ta na candela. Na yegada di e unidad policial, nan a constata cu ta trata di un cas di palo cu tabata completamente na candela. Unidadnan di bombero cu a yega na e sitio a cuminsa cu pago de pago de e candela y no por a evita cu e cas a kima por completo. Un homber habitante di e cas e declara cu un rato prome el a sali cas y laga su pareha hunto cu un cacho den cas. E cas no tabatin coriente, pero nan ta haci uzo di

bela pa asina tin claridad den e cas.

Durante pago de pago de e candela personal di bombero a topa cu un curpa sin bida carbonisa den e cas. Dokter di polis cu a yega na e sitio a constata morto di e dama. Polis a bisa cu no ta publica identidad di e victima, sino te na momento cu identificacion oficial tuma lugan. Riba ordo di Fiscal di Ministerio Publico a confisca e curpa pa mas investigacion. Causa di e candela ta den investigacion.

Declaracion di Obispado riba vandalismo na misa

Tendencia peligroso cu dia pa dia nos ta bira menos sensibil pa maldad

WILLEMSTAD - Dia pa dia nos ta bira menos sensibil pa maldad cu ta tumando lugan memey di nos. Asina nos balornan moral y spiritual ta bay atras asina y tambe calidad di nos bida como un pueblo ta deteriora, asina Obispo di Willemstad Luis Secco ta bisa relaciona cu e caso di vandalismo na misa di Suffisant cu a tuma lugan siman pasa.

Presencia di varios religion y denominacionnan religioso cu nan misa, kapel y luganan sagrado di culto den nos pais ta un indicacion visibel di nos sentido di mas halto como pueblo di loka ta sagrado, spiritual y di Dios. Ta p'esey cualke acto cu ta profana of degrada religion y e luganan sagrado di culto ta inaceptabel y ta

representa un ofensa grave contra nos sensibilidad religioso.

Pero na mes tempo nos ta realisa cu cualke suceso sea bon of malo cu ta tuma lugan den nos comunidad, semper ta un reflexion di ken nos ta como pueblo y di e sentido di principio y balornan cu nos ta scoge pa forma, guia y domina nos manera di pensa y biba como individuo, famia y sociedad en general. Tristo ta cu e expresion continuo di maldad den actonan di violencia, agresividad, asesinato y otro forman di criminalidad a cuminsa pone nos perde nos sentido di sensibilidad di tal forma cu e sucesonan aki ta birando normal y consecuentemente nos no ta reacciona mas. Asina cu nos balornan moral y spiritual ta bay atras asina y tambe calidad di

nos bida como un pueblo ta deteriora.

Ta p'esey cualke acto comete contra bienestar, pas y desaroyo di nos pais ta un yamada no solamente pa denuncia nan, sino tambe semper ta un yamada urgente y reto grandi pa e sentido di responsabilidad pa henter nos pueblo, iglesia, gobierno, famia, scolnan, medionan di comunicacion y otro institutonan en cuanto formacion y transformacion di nos pueblo.

Finalmente nos fe ta siña nos cu Dios ta odia pica, pero nunca e pecado. E ta desea su combersacion nunca su condenacion. Como comunidad di creyentenan nos ta sigui resa pa otro, specialmente pa esunnan cu ta den scuridad di maldad pa nan comprension, asina Obispo ta bisa.



Reunion cu minister di GMN

Ganaderonan na Corsou pa studia posibilidad pa trece carni fresco for di Colombia

WILLEMSTAD - Dos ganadero Colombiano tabata di bishita cerca minister Suzy Camelia-Römer pa intercambia cu e titular di Salubridad, Medio Ambiente y Naturalesa riba e tema di carni cu actualmente ta hopi den discusion aki na Corsou.

Nan a duna informacion di con ta atende cu carni na Co-

lombia, cua ta e normanan di higiena y calidad cu ta aplica eynan y di nan interes pa inverti den un centro di distribucion y benta di carni na Corsou y via Corsou pa otro islanan den nos cercania.

Nan a duna e Minister informacion tecnico, tocante e proceso con ta atende cu carni for di e animal bibo te na e carni riba e tayo di e con-

sumido, pa asina e por husga mas miho e informacion cu e ta ricibiendo di e situacion cu a surgi encunto carni vries cu ta bou di investigacion y inspeccion regular actualmente aki na Corsou.

E ganaderonan, Juan Pablo Gómez y Victor Montejo, ta representa e Frigorifiko Guadalupe y ta sondeando e posibilidad pa inverti den

y establece un presencia di carni Colombiano na Corsou. Minister Suzy Camelia-Römer a indica cu e ta habri pa cualke iniciativa cu ta garantisa productonan di calidad, pagabel y saludabel pa nos comunidad.

Hunto cu e ganaderonan tabatin dr. Camilo Acevedo, presidente di e Cámara de Comercio Colombia Centro

Americano y de El Caribe cual pa 12 aña caba ta promoviendo comercio entre Colombia y Corsou.

E delegacion a bishita tambe Servicio Veterinario cu ta cay bou di e Ministerio di Salubridad, Medio Ambiente y Naturalesa na unda nan a haya un bon bista di kico ta e normanan y exigencianan ta pa atende cu carni aki na Corsou.

Parlamento (D66) cu preguntanan skerpi riba candela na refineria Isla

WILLEMSTAD - E organizacion SMOC a referi na preguntanan skerpi cu e partido D66 a haci na Hulanda riba e candela cu tabatin recientemente na Refineria Isla.

Nan ta spera cu parlamento di Corsou lo haci mesun cos. SMOC ta bisa cu no a pasa niun hende voorbij e kimamento na Isla dia 21 di mei

ultimo. Prensa na Hulanda y na Corsou y tambe medionan internacional a dedica ampliamente atencion na e sigaria canseroso di mas grandi na Reino Hulandes: refineria Isla.

Anto pa colmo recientemente gobierno di Corsou a declara, entre otro den Antiliaans Dagblad, cu Isla no ta tene su mes na e licencia di medio ambiente. Pa SMOC

esaki no tabata niun sorpresa etol, ni tampoco e candela riba tereno di Isla. Accidente sa pasa riba e tereno di Isla, y lo sigui pasa si nan no ta mantene maneho.

Politiconan mester lucha, specialmente pa e habitan-tenan bou di huma di Isla pa e mantencion ehecutivo di Isla, pero tambe pa interes di Corsou en general. Parla-

mentarionan na Hulanda di D66 supuestamente ta compronde esaki.

Nan a entrega un lista largo di pregunta na parlamento Hulandes. Ta di spera cu parlamentarionan di Corsou tambe ta bay haci pregunta riba e caso aki, asina SMOC ta bisa.

Pregunta di e parlamentari-onan Diertens, Van Eijs cu

Van Veldhoven (tur D66) pa minister di Asuntonan Interior cu Relacionnan den Reino y pa Secretario di Estado di Infraestructura cu Medio ambiente tocante e kimamento na Refineria Isla na Corsou (manda dia 31 di mei 2017).

Ayera un biaha mas Refineria Isla tabata fakkelpisa. Esey tabata compana pa un zonido duro den oranan di atardi.

www.kia.com

Good to Go with Style.
All-New
picanto

KIA

The All New Kia Picanto brings a youthful and energetic character – boasting an all new design, high-quality cabin and high tech features that are Good to Go.

The Power to Surprise

Facebook
www.facebook.com/KiaMotorsAruba

TOPCAR Topcar | +297-528-9500 | Caya Ernesto Petronia 21

Clasificado Economico

**PERSONAL GRATIS MX 20 PALABRA- TA ACEPTA AVISO FOR DI 9:00 AM -4:00 PM
PASA LAGA BO AVISO NA OFICINA DI BON DIA ARUBA WESTSTRAAT #22**

TA BENDE Piano Classico Chandeliers nobo, maleta, casita pa transporta cacho, surfboard, lessenaar pa mucha 2 pida glass, 2 meter pa 1 meter 25 Tel: 561 0956	TA HUUR Cas na Palm Beach 3 camber 2 baño Afls.2.150 Tel. 733 1201	SERVICIO PUBLICO Auto + Hero Bieu ta cobra Fl.35 pa tira auto biew afo y Fl10 pa frigidaire, stoof, wasmashin etc Tel. 561 4297 / 561 5179	TA HUUR 1 Studio apartment semi muebla, baño separa, excl: utilidades, area trankilo Simeon Antonio Cel. 594 5576	TA HUUR Studio apartment semi-muebla situa na Noord Tel.561 0956
SERVICIO PUBLICO Se realiza trabajo de pintura y mantenimiento de casas. Gente seria y responsable. Buen precio Tel. 565 8198	SERVICIO PUBLICO Se ofrece servicio de reparacion e instalacion de aires acondicio- nados Split e industrial tambien reparamos frigidaire, cuartos frios y fabricantes de hielo Tel. 600 0750	SERVICIO PUBLICO Barata Barata Nos ta chapi, lanta sushi, spuit veneno, corta mata, na bon prijs Arubiano balente Call 592 5766	TA BENDE Cas na Rooi Koochi 3 camber 2 baño + apartamento Construi 469m2. Terreno propio 1484m2 \$399.000- Prijs reduci Tel. 733 1201	SERVICIO PUBLICO Nos ta hasi tur trabou di electri- cidad, reparacion di cortocircuito tuberia/ cableado en general. Por yama na Tel. 566 5026
TA BENDE pa motibo di viahe, ta bendé un auto Chevrolet Aveo año 2005 motor 1.2 Prijs Fls.4.300 negociable Tel: 563 7626	FOR RENTE Office space for rent Zuidstraat # 1A Oranjestad 95 m2 4 rooms, 2 baths Avg.3.500 Call Muna 593 4647 www.mpgaruba.com	SERVICIO PUBLICO Gratis Gratis Nos ta piki auto biew, airco, bateria, stove, wasmachine, frigidaire Tel. 561 4297 / 600 6883	TA HUUR Area di Bushiri, un cas di 3 camber / 3 baño cu pool y full muebla. Prijs Awg3.300 pa luna y 1 luna di borg Exclui tur cos Tel. 593 7366	SERVICIO PUBLICO construction ta pega blokke, pleister, pla- fond, mosaico, azulejo, vloer dak, cura, plafond bow dak, cas completo, nos ta arubiano y cu bon prijs. Tel. 661 2081
TA HUUR Edificio di 110 m2 cu airco. Comparti den 1 receptie, 2 sala pa oficina, 1 sala pa reunion, 2 baño y cushina, un espacio pa deposito y lugar di parkeer. Tel: 582 3773	SERVICIO PUBLICO Paraiso de Rosa Ta ofrece su servicio pa cuida hende grandi. Nos ta hende spe- cialisa cu pasenshi y servicial Tel. 566 2687 / 732 2590	TA BENDE 4x off tires pa Toyota Prado 1 luna so uza P265/65R17- Kr281125 Kenda KR 281125 Avg.230,= P/stuk Tel. 592 6635	SERVICIO PUBLICO Se hace blower y planchado de cabello y también keratina Tel. 564 4456	TA HUUR un Studio Apartment full muebla den area Catashi/ St. Cruz. Prijs pa 1 persona Avg.850 2 persona Avg.1.000 Tur cos inclui Tel. 593 7366
TA HUUR 1 apartment di 1 camber, pa 1 of 2 persona, inclui: awa, cable, gas, exclui coriente Afl. 1.200 pa luna. Wayaca residence Tel. 592 9966	SERVICIO PUBLICO Master Nails Pa e miho servicio y experiencia den mantencion y atencion pa bo huñanan. Yama pa un cita Tel. 744 9214	TA OFRECE Dr. Enrique Machin Cirugia de Catarata, Glaucoma, Retina, Retinopatia diabetica Laser Argon, Yag Laser Clinica de Ojos, Maracaibo Tel.+58426 2673588	TA BENDE Gordura Ora bo cumpra 20 saco di Fls.5 bo ta haña 5 gratis. Bo mes mester buske Tel. 564 4456 / 585 1587	TA BENDE Associated Realtors for sale house at Ruby / Westpunt with two bedrooms and two bathrooms on 620 m2 of land with foundation for two one bedroom apartments and for \$184,000 Tel. 593 6318
			TA BENDE Ford Edge 2007 color preto, leather interior. service up to date na agencia Tel. 597 7814	SERVICIO PUBLICO Pa tur tipo di trabou • Rosa tereno y lanta sushi • Excavacion (tambe den klip), pos, fundeshi, pool • Demolicion • Granito Tel. 593 2191 / 561 7244 594 0244
			SERVICIO PUBLICO Ta drecha y verf tur tipo di imagen Tel. 584 2489	SERVICIO PUBLICO ta ofrece servicio di limpieza di cas of cuida mucha of hende grandi. Mi ta serio y responsabel Tel. 630 5880
			UITVERKOOP VAN BARATILLO/ SALE OF orchideeen op stronken / orkideanan riba tronco/ orchids on trunks Bij elke aankoop een orchi- dee cadeau/ na tur compra un orkidea como regalo cell: 562 6581	TA HUUR Una habitacion con todo incluido en Oranjestad Tel. 564 1979
			TA HUUR un tereno 435 m2, eigendom inclui un trailer pa oficina Afl.1.500,= pa luna. Tereno ta situa patras di Smith and Dorlas, na Dominicanesstraat. Pa mas info yama na Tel. 592 9966	TA BENDE un Cushina completo di Aruwood color shinishi Tel. 568 1465
			TA BENDE cas situa na Socotorolaan 25 3 camber cu closet, 2 baño, sala comedor, cushina, porch, cura. Central pa tur caminda. Prijs taxatie rapport Aw.278.000 Prijs pidi den man Avg. 225.000 Tel. 593 0909	TA HUUR 2 bedrooms, kitchen, din- ningroom & living room, 1 bathroom, airco's prepaid electricity, utilities excl. quiet area Simon Antonio Tel. 594 5576

ABONA PA SOLAMENTE AFL. 35,- PA LUNA Y RICIBI TUR DIA BO CORANTNAN PREFERI

MAS CERCA DI BO!



Yena aki bao e siguiente informacion

Telefon

Number completo:

Adres di entrega:

Adres di cobranza:

Pago Adelanta:

☐ 3 Luna

☐ 6 Luna

☐ 1 año

- ☐ Cobranza na Cas.
- ☐ Cobranza na Trabao.
- ☐ Paga via Banco (Standing Order) Aruba Bank no:33266.8
- ☐ Paga Aruba Bank ABO ONLINE .
- ☐ Paga CMB ONLINE .
- ☐ Personal na oficina di Bon Dia Aruba.
- ☐ Pone den Box.
- ☐ Tira den Cura.

**Yama na telefon: 582-7800 of manda un email na accounting@bondia.com
www.bondia24.com**

Skirbi pa drs. Marisol Krosendijk

Psicologo vs. Psikiatra

ORANJESTAD - Si bo tin preocupacion tocante salud mental, bo mester busca ayudo. Pero unda bo ta bay? Con bo sa ki sorto di dokter bo tin cu papia cu ne? Bo mester bay un psikiatra of un psicologo?

Hopi biaha mi ta topa personanan cu ta bruha den e profesionnan aki. E publico en general mayoria di biaha ta confundi e dos profesionnan aki. Mi kier pa boso sa, cu boso no ta boso so. Tin hopi confusion eyfo y ta importante pa ta bon informa. Tin similaridad, pero sigur tambe diferencianan. Akibou mi ta bay purba splica locual bo mester sa pa dicidi ki tipo di ayudo ta importante pa bo.

Hopi biaha pelicula y television ta muestra cu terapia pa por ehempel un enfermedad mental of emocional ta drumi riba un sofa den un oficina mientras bo ta desahoga bo alma cu e dokter.

En realidad esaki no ta locual ta pasa den terapia. E termino terapia ta un termino cu ta encera hopi cos incluyendo

medicina y diferente tipo di terapianan psicosocial. Psikiatra y Psicologo tur dos ta envolvi den terapia. Por tin casonan unda nan ta te hasta traha hunto. Maske psicologonan y psikiatra sa traha hunto pa trata e trastorno mental a base di e cliente su problema, nan tin diferente experiencia den educacion, training y bista den practica, y nan ta hunga un rol unico y integral den e trato di enfermedadnan mental.

Psicologo

Un psicologo mescos cu un psikiatra tin un estudio di universidad tras di lomba. Un psicologo a haci un estudio universitario den psicología. Psicología ta e ciencia cu ta studia e comportacion di hende.

Esaki no ta encera solamente locual hende ta haci y kico nan ta haci, pero tambe locual hende ta sinti, pensa y con nan ta yega na nan decisionnan.

Psicología ta studia e caracteristicanan general di comportacion di hende, pero tambe e diferencianan, individuonan y gruponan, comportacion



problematico y comportacion normal.

Un psicologo ta purba investiga y splica e funcionamiento humano por medio di diferente metodo, tecnicanan y angulo.

Psicologonan ta traha riba diferente area: den salubridad publico, enseñansa, gobierno, media, den e mundo di negoshi,.....

E titulo Psikiatra y Psicologo ta protegi pa ley.

Psikiatra

Un psikiatra ta un dokter specialisa. E la specialisa su mes den psiquiatria, despues cu el a haci su examen pa dokter na un universidad. E psikiatra ta wanta su mes ocupa cu diagnostica y terapia, esey kiermen cu e ta detecta e en-

fermedad di su cliente prome (diagnostica). Despues e ta cuminsa cu e curacion di esaki (terapia). Nos por compara un psikiatra cu otro specialistanan medico manera kinderarts, longarts, keel-, neus-, en oorarts.

Un psikiatra no a studia psicología. E mester a profundisa su mes akiden si, mescos cu hopi vak. Ocupacionalmente si e ta hopi interesa den psicología.

Como dokter un psikiatra por prescribi medicina. E psicologo no mag haci esaki.

Recordatorio di Dia:

Psicologonan y Psikiatranan sa traha hunto pa coordina y provee e miho terapia pa nan pashentnan/clientenan. Psicologonan hopi biaha ta wak nan pashentnan/clientenan tur siman pa terapia psicosocial. Psikiatra por wak nan pashentnan semanalmente of mensualmente pa psicoterapia y/of psicofarmacología, dependiendo di kico e pashent su necesidadnan clinico ta.

Un profesional no ta miho cu e otro, nan tur dos ta traha (hunto) pa sana e mente.

Den controlnan preventivo

“Landloperij” ta un di e molesternan mas grandi cu Visibility Team ta topa cu ne na Oranjestad

ORANJESTAD – Visibility Team, e division di Cuerpo Policial encarga cu supervision y controlnan entre otro den centro di Oranjestad y vecindario ta patruya entre otro na e salida di waf di crucero y ex waf di fruta, den centro di ciudad, e area di Arubus y riba e ruta di Arutram, y Linear Park, for di Rotonde Wichi de Palm te na Surfside Beach.

For di dia 22 di mei pa dia 31 di mei e molester mas grandi cu nan e topa cu ne, segun resumen di e siman di trabao, ta “landloperij”, esta personanan cu ta biba un estilo di bida bagamundo, sin adres, sin profesion of trabao y sin ingreso. Riba dia 22 di mei a topa cu e bagamundo “F”, a papia cu ne y core cu ne for di e area di Royal Plaza Mall. E ta sospechoso den diferente ladronia cu a tuma luga den centro di Oranjestad.

E siguiente dia Visibility Team a topa banda di Prikichi Supermarket cu e bagamun-

do “M”, kende tabata canando riba caya ta zwaai un martiu. Visibility Team a confisca e martiu.

Ademas di patruya den centro di Oranjestad, considerando cu e benta di dia di Lotto lo ta mas halto como cu e Mini Mega a surpasa 1 milyon florin, a patruya tambe den bisindario di diferente casita di Lotto. Tabata hopi druk, pero no tabatin ningun incidente.

Riba dia 24 di mei algun miembro di e team a patruya riba bicicleta riba L.G. Smith Boulevard for di e oficina di Visibility Team te na Aruba Ports Authority; tambe den Weststraat y e negoshinan na waf, e station di Arubus, Caya Betico Croes, Havenstraat, y bisindario. A topa cu a bagamundo “G” molestiando turistanan den Havenstraat. A papia y core cu ne for di e area. Despues cu a ricibi melding di un homber desconoci actuando straño, cu un handschoen blanco bisti banda di Island Finance



y CMB Bank, polisnan a busca den e area pero no a haya e persona. A keda patruya te cu tiendanan y negoshinan na waf a cera.

Durante di controlnan a duna dos chauffeur boet pa core den direccion prohibi na Paardenbaaistraat/Arubus.

Diahuebs Visibility Team a pone un team di patruya na a entrada di waf pa prevencion di molester di turistanan bishitando cu barco crucero, y a patruya tambe den e resto di centro di ciudad.

A topa cu e bagamundo “J” labando un auto banda di

unda antes tabata The Music Box; a papia y core cu ne for di e area. Riba dia 26 di mei a Visibility Team a haci control di trafico, cerca di edificio di Parlamento, unda cu nan a duna seis proces-verbaal. Tambe a patruya na pia den centro di ciudad.

E dos siguiente dianan, Visibility Team a patruya den bisindario di Aruba Soul Beach Music Festival, un evento hopi bon bishita, y riba dia 29 di mei a haci un biaha mas controlnan di trafico. A duna cinco proces-verbaal pa coremento sin faha

di seguridad y falta di respet di reglanan di zebrapad.

Dia 30 di mei a patruya den e area conoci y a para na salida di Aruba Ports Authority. Tambe a duna asistencia na Fruteria Virgilio unda cu e doño a splica cu e bagamundo “D.K.” tabata molestiando su clientenan. No a topa cu ne den e area.

Ademas mester a duna asistencia pa cu e presencia di e bagamundo “R” cerca di The Paddock; a cor’e for di e luga. Un biaha mas, como e premio di Mini Mega a sigui crece, a controla preventivamente tambe den bisindario di e casitanan di Lotto.

Riba dia 31 di mei un team di Visibility Team a para na e salida di waf y otronan a patruya entre otro na pia den centro di Oranjestad.

E unico incidente e dia aki tabata un encuentro cu e bagamundo “R”, kende tabata canando den direccion di Aruba Ports Authority. A intercept’e, papia y core cu ne for di e area.

Homber su cabes a flip kibra cos den cas



NOORD - Patruxa di Noord a presenta na un cas na Saliña Cerca dialuna atardi pa un homber cu su cabes a flip y a cuminsa kibra cos den cas. Na e sitio e oficialnan a constata cu di berdad e homber su cabes a flip y a bay over na detene.



Falta di preferencia ta causa di accidente

ORANJESTAD - Diadomingo atardi riba caminda di Driemas-terstraat a sucede un accidente di auto basta fuerte. Polisnan a yega na e sitio y a cera e caminda. Tanto

un BMW como un Hyundai Getz a wordo totalmente kibra. Polis a determina cu e Hyundai Getz no a duna preferencia y subi caminda dal contra di e BMW.



Antisocial a kibra den un container di Maria Goretti College

ORANJESTAD - Den fin di siman antisocial a kibra un bentana pa drenta un local unda tin un container riba e tereno di Goretti College. Polis a presenta na e scol pa asina tuma datonan di e kiebro y ladronia.

Doño a topa cu su pickup horta altura di veld di Aruba Jr



ORANJESTAD - Dialuna mainta un homber a bay entrega denuncia na autoridad cu antisocial a horta su Ford pickup berde den oranan di marduga. Buscando den area di Playa el a topa cu su vehiculo na altura di Aruba Jr riba e parkeerplaats. Patruxa di a presente na e sitio y a confisca e pickup.

Atracadonan a maltrata persona di edad bay cu 10 mil dollar




MACUARIMA - Dialuna pa mas o menos 10:37 am central di Polis a haya un yamada cu riba e caminda di Macuar-



ima e rotonde bay nort direccion pa Urataca un homber di edad a wordo atraca. E persona lo tabata yegan-

do un cas na Macuarima y a wordo sorprendi pa dos homber di habla Spaño. Ambos persona arma, uno cu un arma di candela y otro cu cuchiu y asina a ataca e ciudadano maltrat'e y bay cu 10 mil dollar cu e tabatin den su poder, pa despues bandona e sitio den un auto chikito blanco.

E victima a yega den su pickup na warda di polis Santa Cruz pidiendo ayudo. Di biaha autoridad a yud'e y solicita ambulance cu urgencia debi cu e homber ta herida. Recherche tin e caso bou investigacion



Auto a dal peaton y bandona e sitio

CASIBARI - Diadomingo anochi autoridad ta wordo informa cu riba e caminda di Casibari un auto a trapa un hende di cabes te pia y a bandona e sitio.

E homber a keda benta abou cu heridanen serio na curpa. Polis cu a presenta na e sitio a cera e caminda pa asina haci nan investigacion. Ambulance a presenta na e

sitio pa transporta e victima pa hospital. Recherche tambe a yega na e sitio pa haci nan investigacion. Un testigo a informa polis cu ta trata di un Yaris..



Turistanan a raporta homber sospechoso banda di lama



EAGLE BEACH - Dialuna mainta turistanan entre Tamarijn y Divi Hotel a raporta cu tin un homber sospechoso



ta canando banda di lama lo tabata wak den tas di hende. Trahado di seguridad a dreña accion y a topa cu e homber,

na balie e homber cu a scop un obheto den e hotel y lo a dal un trahado di seguridad.

Polis a topa cu e dicho cabayero na e luznan di trafico na altura di ex fatum y a atende cu ne.

E ta para riba cu e no a cobra den tas di ningun persona y si di a scop algo den e hotel.

E ta un cabayero di riba 25 aña y e no tin cas pa biba, el a splica e oficialnan cu ta riba caya e ta anda el a comenta na autoridad.

Pronostico di tempo

Alerta: un alerta pa biento duro ta na vigor te diaranson 6pm

Tempo:

Levemente te parcialmente te nubia cu chens pa un awasero localmente.

Temperatura maximo 33 grado celsius y temperatura minimo 28 grado celsius.

Solo lo baha awe nochi 07:03pm y lo sali mañan mainta 06:13am.

Biento:

Moderate te basta fuerte for di direccion oost; forsa 4 te 5 (20 te 39 km/ora, 11 te 21

nudo). Den dia fuerte te duro te posiblemente hopi duro den rafaga; forsa 6 te 8 (40 te 64 km/ora, 22 te 35 nudo)

Situacion general di tempo:

Den proximo 24 oranan no ta spera mucho cambio den e tipo di clima cu tin actualmente.

Humedad den nivelnan mas abou di atmosfera lo por bira suficiente pa pone temporalmente ma nubia pasa riba nos

region. Pa e motibo aki por spera un awasero breve den oranan di marduga y mainta. Mas aleu, un area di stof fini suspendi den aire lo reduci visibilidad un poco den e proximo dianan. Diferencianan di presion di aire den Caribe ta grandi y esaki lo produci biento duro cu den bes en cuanto rafaga hopi duro.

Condicion di lama:

Olanan di lama lo ta for di

direccion oost cu altura di 5 te localmente 8 pia. E ola- nan di mas halto ta na costa noordwest di nos isla. Ta pidi ocupantenan di boto chikito pa tene esaki na cuenta ya cu ademas un alerta pa biento duro ta na vigor.

Accion de precaucion

Usuarionan di lama ta wor- do urgi pa tene cautela riba lama. mara obhetonan cu ta los pasobra na por bula rond dor di e biento asina fuerte.



turistanan no mester bay leu den lama, specialmente entre banda costanan parti noord y oost. Adicionalmente tambe keda alerta entre Waf y Manchebo beach hotel.

A bishita 28 negoshi pariba di brug

A cera varios restaurant pa falta di cumplimento cu higiena



ORANJESTAD – Riba diamars 30 di mei y riba diahuebs 1 di juni ultimo a tuma luga un accion riba varios restaurant y “take away’s” den area pariba di brug.

Diamars 30 di Mei entre 9:00am y 9:00pm a tene e accion, mientras cu dia 1 di juni a tene e accion entre 4:00pm y 11:00pm.

E accion a conta cu representacion di DOW, Brandweer, Seccion di enfermedadnan contagioso y Departamento di Salud Publico.

Durante e accion di diamars autoridnan a cera algun luga pa motibo di no a cumpli cu e reglanan higiena. E luganan cu a laga cera tabata Grote Berg Snack, E.M. Snack, Juana Morto Take Away, Asian Sranang, Big



Happy, Aki Sushi y Tio Pepe.

Tabatin casonan mas serio, manera Jona's Best snack y White Star Grocery cual a cera te cu proximo aviso.

Riba e control di establecimiento riba diahuebs un bi-aha mas autoridnan a cera algun luga pa motibo di no a cumpli cu e reglanan di higiena. E luganan cu a keda cera tabata Rising Dragon, Charm Jam Jerk House, Peng Hu, Palmita Fortune House y J.R. Restaurant. Di acuerdo cu e rapport di e autoridnan, despues di un control di nobo, e restauran- tan por a habri nan porta bek, cu excepcion di Wing Wag na Savaneta.

E departamentonan cu a participa den e accion riba e dos dianan aki a bishita un total di 28 negoshi den HORECA, den e districto di Savaneta y pariba di brug.



Publico a gosa di un show fantastico presenta pa Tanto Cuenta

**ORANJESTAD - Diabier-
na tabata un anochi yena
cu magia, ora cu Tanto
Cuenta su elenco a pre-
senta tres storia traduci-
den un forma particular y
crioyo pa Desiree Correa.**

For di e prome cuenta di hada te cu e ultimo, e publico cu a presenta e cuentanan di hada, diabierna 2 di juni a gosa inmensamente. Den un sala completamente yen, por a scucha e muchanan ta reclama e bruha bruha di e cosnan inhusto cu e tabata haci cu prinses Aurora. Nan tabata sorprendi pa e sunchi cu e prins a duna Shinishi Sushi, ora cu un bruha a maldicion'e y pone drumi. Bo por a scucha e asombro den nan stem, ora nan a mira

e prins cu pa medio di magia a bira un piska. Nan tabata grita Djindjita, e casa di e piscado, ora e tabata haci cos di egoista y mal hende cu su casa Pedrito. Por a tende nan hari di e comentarionan tripi di Chabelito, e maestro di ceremonia, Emeil Vijsma. Feliz nan tabata ora e hada madrina di Shinishi Sushi a transforma e den un prinses. Riba cara di e muchanan por a mira expresionnan di momentonan inolvidabel di suspenso. Berdaderamente un transformacion completo, tabata sosode ora segun cada escena e 'background' cambia di un salon den un kasteel pa un costa di lama cu barancanan grandi. Cada escena tabata yena cu momentonan, unda



e publico por a biba situacionnan di bida real, treci dilanti door di personahenan desplegando rolnan gracioso, pero tambe rolnan di figu-

ranan malvado. Cada artista a destaca den nan rol y esey tabata visibel pa e cantidad di aplauso cu nan a haya despues di cada actuacion.

Fundacion Bon Nochi Drumi Dushi kier probecha pa gradici Unoca, cu ta e co-financiado di e proyecto. Un danki na e miembronan di elenco di Tanto Cuenta, Zahira Zaandam, stage coordinador, backstage crew, boluntarionan cu a yuda cu benta di buki, tas y T-shirt, e cantantenan invita Melody Franken, Rakesh y Ashram Persaud y Xenon Orfao, e medionan di comunicacion cu a promove e actividad aki, e sponsornan y tur hende cu den un forma of otro a contribui na exito di e proyecto. Publico di Aruba cu no a logra haya mas carhi pa presencia e show, keda pendiente y sigui nos via nos pagina di Facebook pa Tanto Cuenta den bario.

Tayer HCI a finalisa cu documentacion di practicantenan di "Boto Miniatura Crioyo"



cantenan y facilitadonan cu a participa cu tayer HCI a ricibi un certificado.

Segun Sra. Zetsia Ponson secretaria general di Unesco Aruba: "Ta spera cu e tayer aki a motiva y inspira tur e participantenan pa traha hunto y preserva Herencia Cultural Inmaterial di Aruba.

Tin hopi tradicion cu mester wordo proteha y na e manera aki Unesco ta purba di encurasha e participantenan pa involvi henter comunidad pa cu Herencia Cultural Inmaterial di Aruba.

ORANJESTAD- E tayer di preservacion di Herencia Cultural Inmaterial na Aruba a clausura na un manera interactivo.

Na unda e practicantenan di e ofishi "Boto miniatura Crioyo" a intercambia, storianan y informacion cu e participantenan.

Den e di dres dia di e tayer a duna e participantenan e tarea pa traha preguntanan cu lo wordo uza pa entrevista e practicantenan.

Despues di a socialisa cu e practicantenan a documenta nan storianan "on the spot" cu filmacion. Na final dia tur participantenan, practi-



Theodor Wernet a cumpli 40 aña di servicio



ORANJESTAD - Theodor Wernet a cumpli 40 aña di servicio. Theodor Wernet a cuminsa traha cu Victoria Bottling Company, a pasa pa Tropical Bottling y awor cu New York Laundry (NYL).

Theodor Wernet ta un persona hopi agradabel cu tremendo cualidadnan y semper t'ey pa yuda tur hende.

E ta un tremendo trahado semper ta cumpli cu su tarea nan, un persona hopi puntual y honesto. Semper ta cla pa yuda su coleganan hasta si



esey no ta parti di su trabou, un bon ehempel di "team player". Un hende cu nunca bo no ta wak e rabia y semper ta duna su sugerencia pa haci e trabou miho. Tur e bunita cualidadnan ki nos mester pa nos mes como colega, trahado y tambe como hende.

"E ta un hende hopi amabel. E ta gusta musica. Tin biaha e ta bin cu su mini jukebox y tok'e un tiki, pone un tiki ambiente den e planta", asina Edwards Jimenez, Operation Manager di NYL a remarca. Un cualidad cu Edwards Jimenez tin di Theodor Wernet ta, cu aunke e no ta sigur si e mester haci e trabou, e ta tuma e iniciativa pa haci

esaki.

Theodor Wernet ta contento cu su trabou y e ta traha dushi.

El a pasa e 40 añanan di servicio hopi dushi y ta haya cu e hefenan ta tremendo. "Mi a pasa e 40 aña hopi bon, sublime y nada di keha", el a expresa. Si un hende cu kier haci e trabou manera di Theodor Wernet, e trabou no ta duro pero e persona mester gusta e trabou.

NYL ta desea Theodor Wernet hopi bendicion y salud. Empleadonan di NYL ta spera di tin Theodor Wernet den servicio pa hopi aña mas,



pero tambe como amigo.

MetaCorp ta existi desde aña 1920 caba den negoshi di cine. Cu apertura di Lago a cuminsa cu E. De Veer Transport cu awendia yama ATCO cu despues a expande tambe den ATCO Concrete Products y Ecotech. Despues di segunda guerra mundial a compra e planta di Coca Cola y asina a inicia Tropical Bottling, cu na caminda a expande tambe den Brouwerij Nacional Balashi.



MetaCorp ta e empresa comercial mas bieu na Aruba y pronto ta cumpli 100 aña.

Cu un fundeshi solido, cu un cultura di compania basa riba principianan di inversionnan duradero y kere den empleadonan, MetaCorp awendia ta cla pa e siguiente 100 añanan di progreso, cu talentonan manera Eddie de Veer, Robert Carrasquero y Guus Slabbekoorn na cabes di e compania.



MetaCorp :Ta importante pa haci chekeo di salud pa tur empleado

ORANJESTAD - MetaCorp a tene su chekeo di salud pa su empleadonan, unda cu nan tabatin e oportunidad pa check nan salud. Esaki ta tuma luga 2 bes pa aña.

E empleadonan di e companianan Atco Aruba, Atco Concrete, EcoTech, MetaCorp, Ecogas, Balashi, Tropical Bottling, The Cinemas y New York Laundry a participa na e evento di chekeo di salud y nan tabata sumamente contento cu nan tin e oportunidad di controla nan salud na pia di trabao. Tin empleado cu tin varios aña haciendo e chekeo aki sigui, tambe tin emplead-



onan cu ta participa pa mas aña. Empleadonan ta sostene e iniciativa di MetaCorp cu nan programa di chekeo di salud y movicion. Tin empleadonan ta sufri di

un of otro malesa p.e. presion halto y mester monitor esaki frecuente. P'esey ta importante pa organisa e accionnan aki. Haciendo e chekeo aki empleadonan ta haya sa si nan por tin algo y mester bay nan dokter di cas. MetaCorp lo promove salud y movicion henter aña, na unda lo organisa diferente actividad pa e empleadonan. MetaCorp ta sigui promove salud y movicion door di organisa, competencia di bowling, caminata, ciclismo y tambe lo tin diferente seminario importante relaciona cu salud y movicion.



Mi Tata, Mi Heroe

Aplica pa Internet y Cable TV
y ricibi bo instalacion **GRATIS**

participa pa
gana un

Samsung Gear 2

*Oferta ta valido cu un contract di 2 aña pa cliente nobo y existente cu kier switch di DSL pa Cablenet.

*Pa Cablenet ta rekeri un pakete di Cable Digital.

*Descuento riba instalacion ta aplicabel solamente ora cliente busca tur dos servicio of ora cliente cambia su servicio di DSL pa Cablenet.

*Oferta ta valido te cu 17 di juni 2017.

SETAR

Creating Connections

Departamento di Referee mes ta apunta ken ta dirigi wega, no directiva



ORANJESTAD - Ultimo wega di futbol a trece algun discusion unda cu teamnan y fanaticonan no a keda contento con referee ta atende e weganan. Head of Referee, Oslin "Oshi" Kock a expresa cu AVB a duna e departamento di refereenan e autoridad pa nan mes scoge kende ta e refereenan pe weganan.

E apuntacion di refereenan no ta facil pasobra cada referee cu bay e wega, e departamento di referee ta asisti na cualkier di e weganan y ta evalua nan. Despues di e weganan ta tene un reunion y dialoga riba e wega y a base di e evaluacion, nan ta scoge ken pa manda pe siguiente wega.

"Nos no ta yega apunta un referee sin mas. Si tin algo manera den e caso di Division di Honor cu nos ta haciendo cada wega cu finalisa nos ta sinta cu nan y haci evaluacion cu e 8 refereenan cu a participa den e play-off", asina Oslin Kock a remarca. Nan ta reuni desde 7:00pm-11:00pm y repasa e diferente hugadanan y analisa kico a haci den e wega, kico mester coregi. E no ta un cos cu nan ta yega dicidi ken ta fluit pero a base di loke cada ken ta haci riba veld ta scoge e refereenan. E departamento di referee ta sinta analisa y pensa hopi prome cu scoge.

Loke cu Oslin Kock ta bisa e refereenan ta pa no sigui loke ta skirbi riba Facebook, pasobra na momento di reunion nan ta trata tur loke tin di haber cu referee. "Rond mundo tur hende sa, fanaticonan no ta contento. Sea gana of perde nan no ta contento, semper nan ta culpa referee", Oslin Kock a remarca. Referee no ta esun cu ta score gol pero nan ta ey pa dirigi e wega y pa garantiza cu ta aplica

reglanan di e wega. Fanatico y dirigentenan no ta contento cu e decision pero na final decision di referee ta conta.

Un di e kehonan tambe ta e tempo adicional duna pasobra nan ta haya cu esaki ta hopi. Pero esaki ta bin cu nan tin cu pone e tempo di cambio of ora cu un hungado cay, nan tin cu acumula tur esey. E teamnan ta haya 90 minuut pa hunga y den e minuutnan ey nan tin hopi tempo pa anota. Pero na final di dia semper nan ta culpa refereenan pe extra tempo, asina Oshi Kock a termina splicando.

Ta bon pa bisa acerca cu e refereenan di Aruba ta ricibi cursonan constantemente, no solamente local pero tambe di profesionalnan di Concacaf y di FIFA cu regularmente ta na Aruba pa brinda cursonan di capacitacion y pa nos refereenan actualisa nan conocimiento di e reglanan vigente di wega. Aruba ta conta cu un FIFA Referee, den persona di Ricangel Deleca y 3 Assistent Referee di FIFA. Ta apunta e grupo aki constantemente pa dirigi weganan importante internacional. No mas cu den e siguiente dianan tanto Ricangel Deleca como Eugene Faro ta biaha pa Martinique pa dirigi e wega final di CFU. Di e forma aki por mira cu nos refereenan ta na nivel internacional y capaz pa dirigi weganan di taya!

Arubaanse Voetbal Bond ta contento tambe di anuncia cu tin 4 referee di Aruba cu ta nomina pa forma parti di e campeonato di CONCACAF U-15 Boys Championship, cu lo tuma luga proximamente na Bradenton, Florida na Merca entre 13 pa 19 di augustus 2017. Esaki ta un programa special, den cual ta eleva e nivel di e refereenan di Aruba ainda mas, ganando mas experiencia internacional.

Logros ta derota Spuiters 2 logrando nan segundo victoria den 2 salida

ORANJESTAD - Campeonato Heineken di Aruba Softball Bond dedica na dos baluarte Sra. Bertha Wolf Croes y Eugenio "Tan" Helder a continua riba veld di Flatstone diabierna ultimo.

Diasabra ultimo riba veld di Pos Chiquito e muchanan di Logros den categoria di A-Klas, un miembro nobo di ASB, ta gana Spuiters 2 cu tranquilidad. Logros 9 careda, 8 hit, 0 eror. Spuiters 2 tabata tin 3 careda, 8 hit, 2 eror. Juan Chirino ta bay e ruta completo regalando 3 base por bola seyando e victoria riba su nomber. Bryan Courtar ta resulta pitcher perdedo regalando 5 base por bola y ricibiendo relevo di Oslin Bergrok. Miho batiadonan pa Logros a resulta Miliadez German 2-2, Manuel Matos 1-1 y Eldrick Maduro di 3-2. Pa Spuiters 2 a destaca na paltp den causa perdi Bryan Courtar 3-3 incluyendo un cuadrangular, Giovany Maduro 2-2. Lorenzo Maduro tambe a conecta un homerun pa Spuiters 2. Diaranson 7 di Juni pa 7:15pm na Dragon Hitters Barcadera Mariners vs Spuiters den nan double header den categoria AA. Diabierna 9 di Juni double header Royal Power Tat Fat Home Depot vs Balashi Premuim na Flatstone. Diasabra y diadomingo tambe lo bay tin wega. Pues Juni lo ta carga cu weganan oficial pa cu campeonato di ASB. Softball a la carga!



Brazil Taekwondo Stichting a sali best team na e di 9 campeonato nacional



ORANJESTAD - Manera a anticipa cu e team di Train Hard Fight Smart lo bay cu e copa di Best Team, pero a empata cu San Nicolas Taekwondo Center cu 6 pelea gana y 1 perdi. Master Eric Barry a dicidi cu ta bay tin dos prome luga y asina Brazil Taekwondo Stichting a sali best team hunto cu San Nicolas Taekwondo Center.

Brazil Taekwondo Stichting su team dinamico no a gana tur pelea manera cu nos a anticipa, pasobra Danon Delamore a haya un lesion na su pia den e di dos rond y e referee a para e pelea y Danon Delamore a wordo declara perdedo y asina Brazil Taekwondo Stichting a perde un di su 7 peleanan pa e best team.

San Nicolas Taekwondo Center su team tabata mesun fuerte cu esun di Brazil Taekwondo Stichting y a perde 1 pelea tambe. Esaki ta pone cu e team jong dinamico di Brazil Taekwondo Stichting tin trabou pa haci si nan kier sigui logra di gana e copa di Best Team. Awor e team ta preparando pa e biahe pa Surinam, pasobra 4 atleta di Brazil Taekwondo Stichting lo biaha pa asina Aruba ta bon representa na Surinam. Manera cu bolbe for di Surinam lo sigui cu e preparacion pa e biahe largo pa Korea. Na Korea si lo tin cu bay all out si kier gana un medaya, pasobra e Koreanonan si no ta haci wega.

Brazil Taekwondo Stichting su directiva ta contento cu e resultado di e team di Train Hard Fight Smart.



St. Fundacion Lotto pa Deporte hunto Johan Cruyff Foundation lo renoba e Johan Cruyff Court



ORANEJSTAD - Recientemente miembran di directiva di St. Fundacion Lotto Pa Deporte bou liderazgo di e Presidente Di-Stefano Wernet RA, director ing. Junior Tromp di St. Fundacion Facilidatnan Deportivo y Minister di Deporte, Dr. Alex Schwengle a haci un bishita na e Johan Cruyff Court na Jaburibari pa asina mira e diferente trabounan di renobacion cu lo tin plania pa e veld di futbol Johan Cruyff.

E Johan Cruyff Foundation lo tin un suma substancial pa e renobacion di e cancha di yerba artificial cu lo encera tambe e gastonan di transporte segun normanan/especificacion di dicho fundacion. Na banda cu e Johan Cruyff Foundation lo renoba e cancha di futbol, St. Fundacion Lotto pa Deporte lo pone un suma disponibel pa e renobacion y mantencion di e

cura di hero y tegelnan. Tin un indicacion cu lo por pone luz tambe na dicho compleho.

Durante añanan e Johan Cruyff Court na Jaburibari a bira masha popular. Tur atardi tin hopi mucha of grupo di hoben cu ta haci uzo sanamente di e veld di futbol pa asina recrea nan mes den un forma positivo. E deporte di futbol ta e deporte mas practica na Aruba y cancha di futbol Johan Cruyff sigur a contribui na e desaroyo positivo di tur cu a haci uzo di esaki. Manera e dicho mes ta bisa; "Esun cu tin e Hubentud, tin e futuro"! Pa nos Minister di Deporte Dr. Alex Schwengle hubentud ta e fortaleza & pilar di un pais pa su desaroyo sano & economico. Ban sigui duna deporte & educacion na nos hubentud pa nan formacion como hende ehemplar den nos comunidad. Lotto, e Loteria Nacional di Aruba ta sigui



duna su aporte valioso na deporte na Aruba, pa cambia bida di cumprado nan, atleta nan & compleho deportivo nan den topsport & breedtesport.

Dakota y Britannia a bay cu victoria importante den Division Honor



ORANJESTAD - E play-off di Division Honor a bira mas emocionante despues di e weganan di fin di siman. Falta 2 wega mas pa asina por bisa kendenan lo bay hunga e final di "Best out of 3". Diabierna anochi un biaha mas Britannia a topa Deportivo Nacional.

Den 11 minuut di wega Britannia a bay ariba cu gol di Jonathan Ruiz, mientras cu

na 20 minuut di wega Reiner Paracz a anota e di dos gol pa Britannia. E mita tempo a bay aden cu Britannia ganando. Den e di dos tempo na di 53 minuut di wega Roy Francis Albert di Deportivo Nacional a anota gol. E wega a continua fuerte pero na final Britannia a bay cu e victoria.

Diasabra anochi RCA a enfrenta Dakota den un wega unda Dakota mester a gana pa tin chens di avansa. Na di 25 minuut di wega Ricky Hodge a anota gol pa Dakota. E wega a continua fuerte unda cu RCA tabata busca e gol di empate pero no a logra esaki. E wega a termina 1-0 na fabor di SV Dakota.

E standing pa awo ta Britannia na prome luga cu 8 punto, Deportivo Nacional na di dos luga cu 7 punto, Dakota na di tres luga cu 7 punto y RCA na di cuater luga cu 6 punto.



Pa e dos weganan cu ta sigui, mester ta cla pa e ekiponan den final, cu un empate lo no yuda nan, pasobra awor ta gana so mester gana pa por segura bo posicion den e play-off final. Cada un derota lo por nifica cu e ekipo ta cay afo di e bataya pa bira campeon di e liga di Division Honor 2016/2017 di

Arubaanse Voetbal Bond.

E weganan lo continua dia diahuebs awor dia 8 di juni unda cu Britannia lo enfrenta RCA, mientras cu diabierna dia 9 di juni Deportivo Nacional lo enfrenta Dakota. Yega stadion pa mira ken lo bay hunga den final di "Best out of 3".



Marlon Sneek (AVP):

Fraccion di MEP ta mal interpreta Constitucion pa no sostene ley di screening

ORANJESTAD - A pesar cu miembronan di partido MEP tin ocho aña ta papiando di corrupcion y cantidad di otro cosnan cu no ta berdad, fraccion geel den Parlamento siman pasa no a sostene e ley di screening pa Minister.

Lider di fraccion di AVP den Parlamento, sr Marlon Sneek ta señala cu varios miembro di MEP cu a atende e reunion, a trata di sconde tras di Constitucion pa argumenta nan decision di no sostene e ley aki, mencionando entre otro articulo 2.2 di Constitucion.

“Aki ta bon pa muestra na pueblo cu e forma di procede di fraccion di MEP ta algo ridiculo ya cu capitulo 2.2 inciso 2 di nos Constitucion, ta bisa claramente cu si e Minister no ta gosa di confiansa di Parlamento mas, cu Parlamento na tur momento por



manda e Minister cas.

Esaki na Hulandes ta bisa:

“Indien een Minister het vertrouwen van de Staten niet

langer heeft, stelt hij zijn ambt ter beschikking.”

Asina e ta, kieren e argumento fofo di bisa cu nos ta trapa riba Constitucion ya cu eyden supuestamente no tin skirbi cu un Minister por wordo geschors, ta simplemente argumentonan fofo pa busca manera pa keda sin vota pa un ley di integridad. Esey ta bisa ta ki tipo di hende e politiconan aki ta.

Inciso 2.2 capitulo 2 ta papia claramente cu parlamento tin e ultimo palabra, leumay geschors y si e minister ta den su funcion mes y parlamento haya cu e minister tin cu bay cas, cas e ta bay.

E argumento fofo cu nos ta parando riba Constitucion, kibrando nos Constitucion, un biaha mas ta un argumento pa nan core pa e berdad pasobra nan no kier vota pa

cosnan cu ta corecto.

No ta prome bes cu e tipo di situacionnan aki ta presenta cu politiconan di fraccion di MEP, ya cu mientras fraccion di MEP constantemente ta papia di integridad, nan propio actuacion y e historia politico di e partido aki, ta muestra net lo contrario.

Lider di MEP a hiba un tipo di rapport Hulanda, tratando pa haya intervencion di gobierno di Reino den maneho di nos pais, pero e no a haya sosten pa esaki, ya cu realidad politico di e partido, sigur ora cu pueblo a dicidi di manda gobierno di MEP cas pa mal maneho hiba, ta bon conoci den Reino y awor cu nan por a duna sosten na un proceso cu tur partido politico ta papia di dje, nan no kier participa den cosnan bon, hasta ora cu ningun hende ta mira,” lider di fraccion di AVP ta trece dilanti.

Fraccion MEP:

E campaña di manipulacion di AVP ta sigui

ORANJESTAD - Awor cu e fecha di eleccion di 22 di September ta acercando por mira cu AVP ta intensificando su campaña di manipulacion y mentira contra MEP. Den e ultimo dianan aki via medionan social nan a cuminsa lansa e mentira cu di tur e debenan (incluyendo e debenan di e proyectonan PPP) di mas cu 6 biyon florin, 3 biyon florin a wordo crea door di MEP.

Treciendo e mentira aki padilanti nan kier pa MEP comparti y carga un gran parti di e Megadebe, siendo cu MEP no tin arte ni parte di e desaster financiero cu AVP a crea durante e ultimo 8 añanan. Pa contradeci e mentira y preveni cu esaki lo hiba su propio bida, MEP ta presenta e tabel adhunto compila di cifranan oficial di Banco Central caminda un y tur por mira cu e unico culpabel pa e desaster financiero y destruccion di nos pais ta Gabinete Eman y AVP.

Debenan total y debenan PPP

Nos por mira cu durante Gabinete Henny Eman (1986-1988) nos debe nacional a wordo aumenta cu 617 miyon florin. Siguiendo Gabinete Nelson Oduber (1989 -1993) a aumenta e debe cu 460.8 miyon florin, Gabinete Henny Eman (1994-2001) a aumenta e debe cu 426.9 miyon, Gabinete Nelson Oduber (2002-2009) a aumenta nos debe cu 725.4 miyon florin y finalmente Gabinete Mike Eman (2010-2016) a aumenta nos debe nacional cu 1942 miyon florin. Mester remarca si cu pa gran parti e debe di 725.4 miyon florin (2002-2009) tabata pa paga e proyectonan fantasma di SACE, Race Track, Radar, Fondo Desaroyo SN etc. cu Gabinete Henny Eman a laga atras na 2001!

Acerca ta bin e debenan di e proyectonan PPP (Hospital, Green Corridor, Watty Vos Boulevard y e 5 MFA-nan) cu Gabinete Mike Eman a crea di mas cu 2 biyon florin cu ta “off balance”, pero cu pueblo lo mester paga esaki durante e proximo 25 pa 30 añanan.

	DEBE TOTAL (x miyon Afl.)	AUMENTO DEBE (x miyon Afl.)
1986	0	
1989	617.0	AVP 617.0
1993	1077.8	MEP 460.8
2001	1504.7	AVP 426.9
2009	2230.1	MEP 725.4
2016	4172.1	AVP 1942.0
Debenan proyectonan PPP		AVP 2200.0
TOTAL DEBE CREA PA AVP		5185.9
TOTAL DEBE CREA PA MEP		1186.2

Ansha y desesperacion

Recapitulando tur e debenan menciona, e suma total di debe cu e gobiernonan di AVP a crea desde 1986 ta 5185.9 miyon florin, esta di 5.2 Biyon florin.

E gobiernonan di MEP a crea desde 1986 un suma total na debe di 1186.2 miyon florin, esta di 1.2 Biyon florin. Es-

aki ta muestra claramente cu e debenan crea door di AVP ta mas cu 4 biaha cu locual MEP a crea desde 1986 en adelante.

Increibel con AVP por a hinca nos pais den e abismo financiero aki y cu tur e debenan aki lo mester bay wordo pa nos yiunan y yiu di nos yiunan! Pues e cifra manipulativo di 3 Biyon florin

na debe cu gobierno di MEP lo a crea ta basa riba mentira flagrante di parti di AVP cu no por wordo substancia cu cifranan concreto, manera cu semper MEP si ta haci. Esaki ta demostra un biaha mas cu AVP ultimamente ta den un ansha y desesperacion total ya cu cada bes nan tin cu recurri na cifranan manipulativo y mentiroso y p’asina pinta MEP malo den comunidad.

Rudy Lampe(RED):

Partido ReD for di 2005 ta pidi cambio constitucional pa persigui ministernan

ORANJESTAD - Ta hopi tristo pa scucha Prome Minister Mike Eman declara, relaciona cu e caso di Paul Croes, cu Aruba awor numa via Directie Wetgeving ta bezig ta copiando e Constitucion di St. Maarten pa loke ta persecucion penal di ministernan acusa di corrupcion.

Partido ReD for di su programa di 2005 a sugeri e cambionan ey den nos constitucion, entre otro cu ta schors un minister mientras cu e ta den funcion. Nos ta den 2017 y ni MEP ni AVP a percura pa e cambionan aki, pasobra tabata tapa corrupcion di nos gobernantenan pa añanan largo. Aki nos ta presenta e parti aki di e programa di e partido blanco di 2005 y awor atrobe ta den programa di 2017, pa asina gobierno di Aruba haya sa kico nan mester haci:

- “Habri combersacion den ‘Ministeriele Samenwerkingsraad’ pa acerca Presidente di Corte Superior y e dos Procurador General pa tin un ‘Eenheid in het Vervolgingsbeleid inzake Corruptie-bestrijding’ conforme art.62 lid 2 e ‘Samenwerk-



ingsregeling Nederlandse Antillen en Aruba’ pa asina cumpli cu ‘ley pa un, ley pa tur’ y asina evita hasta e pensamiento c u lo tin husticia di clase;

- Revocacion di e derecho pa subi lista (atrobe) si un politico ser haya culpabel pa echo cu tin di haber cu corrupcion, malversacion di placa of entrego di patrimonio di pueblo, falsificacion di documento of otro caso serio

cu tin di haber cu su posicion of otro casonan serio cu ta haci moralmente indeseabel pa bolbe cubri e funcion publico etc. Esaki por ser haci pa medio di un ley formal(nobo) of cambio y ampliacion di articulo 4 di nos Kiesverordering (Lv. Di 3 november 1987, A.B. 1987,110);

- Regla un ley nobo, conforme e espirito di articulo 2 lid b y 87 e.v di LMA, hunto art.86 di Codigo Penal

(manera cambia den Ab. 1999 no 24), esta e suspension di un parlamentario of ministro den funcion durante e investigacion pa casonan manera menciona aki riba, te ora e caso ser trata of e funcionario ser declara liber di e acusacion. Esaki pues, igual cu ta conta pa (otro) empleado publico y manera regla den LMA: schorsing como un ‘orde-maatregel’ pa por haci e investigacion necesario y no

como castigo pasobra ta den corte ta dicidi ariba culpabilidad/inocencia;”

Ta hopi preocupante loke nos Prome Minister a declara cu PG ta ricibi ordo di gobierno ken ta persigui y kende no. Eman a bisa cu esaki a sosode bao di MEP, pero esaki tabata y ta practica di AVP tambe. P’esey no tin husticia, of miho bisa tin husticia di clase na Aruba.

Marlon Sneek(AVP):

Lider di MEP a dicidi no ta paga pa parkeer paso e no ta traha tog

ORANJESTAD - Siman pasa durante reunion publico den cual Parlamento a trata e ley di screening di Ministers, lider di oposicion, Evelyne Wever Croes constantemente a uza un expresion cu ta musta cu e ta hopi custuma cu esaki.

“Haci lo corecto hasta ora cu hende no ta mira,” ta e dicho cu e lider di MEP tabata ripiti tras di otro durante tratamentu di e ley menciona, mientras cu su persona mes no ta cumpli cu nificacion di e dicho aki.

“Den ningun di su disertacion, Evelyne Wever Croes a trata di duna contenido na e ley aki, pero simplemente a uza su tempo di trata di pinta tur hende den forma negativo, keriendo cu su persona si ta esun corecto.

Lider di MEP hunto cu algun colega di dje, pa mas cu un aña no ta pagando pa staciona

auto den centro di Oranjestad pero kico nos a mira durante di e reunion publico siman pasa, ta cu Evelyne a bin na grandi, staciona su auto den un sitio caminda e mes ter a paga pa esaki pero nunca a paga manera pueblo si ta paga.

Evelyne sabiendo cu Aruparking ya no ta pone klem of ta tou auto bay cu esakinan, a dicidi di viola reglanan cu tin y cu pueblo si ta cumpli cu nan, y bay den Parlamento pa haci su weganan politico. Pero ora cu analisa e situacion aki bon pero na mes momento analisando e comportacion di e lider di MEP y su fraccion pa ultimo añanan, por compronde e motibo di con Evelyne no kier paga pa staciona su auto.

E splicacion ta cu di e forma aki Evelyne ta haci loke e mes ta predica, esta di haci lo corecto, esta keda sin paga,

ora tambe hende no ta mira, ya cu e no kier paga si e no ta traha.

Loke ta mas serio di e caso aki, ta cu ora durante di reunion un miembro di fraccion di AVP a confronta su persona cu e tipo di comportacion aki, e lider di MEP a manda un ayudante bay hala e auto y no paga pa uza e espacio, caminda a hiba e auto staciona den e luga patras di Seaport Marketplace, caminda solamente ta wordo permiti pa clientenan di e hotel y shopping mall staciona.

Aki e lider di MEP a pretende cu e ta bay sinta come den un di e restaurantnan cu tin pero realmente ta sinta den Parlamento ta haci politica partidista sin cumpli un biaha mas cu loke tur otro ciudadano si ta haci cu ne, esta di paga pa staciona auto.

Esaki ta tipifica e mentalidad di e lider di MEP y su



fraccion, caminda nan ta cobra pa hopi tempo caba su cumpli cu nan deber como Parlamentario y riba dje ta bin abusa di situacionnan caminda nan por saca pro-

becha financiero, cu ta igual cu e maneho cu MEP a hiba pa ocho aña caminda amigo y famia a probecha tur cu tin,” Parlamentario Marlon Sneek ta musta.

Jennifer Arends-Reyes (AVP):

E ley di crèche a keda aproba y su meta ta pa sigura calidad di cuida di nos muchanan

ORANJESTAD: Segun sra. Jennifer Arends-Reyes mundo di awendia ta cambia y mayornan ta mas participativo den e mercado laboral. Especialmente nos hende muhenan ta mas participativo cu antes y p'esey opvang di calidad pa nos muchanan a bira algo cu ta un necesidad.

Ta un momento historico pa Aruba despues di 55 aña cu e prome centro di cuida a habri su porta, awe Aruba tin un ley pa estructura centro di cuida di mucha. Sigur un logro grandi pa Pais Aruba mirando cu den pasado tawatin diferente concepto di ley pero cu no a wordo realisa. Tambe ta bon pa tene den consideracion cu ta recomendacion di Unicef y asina tambe Aruba lo cumpli cu e tratado internacional pa derecho di mucha.

E cambianan cu lo mester wordo implementa



pa e centronan di cuida lo ta den fase y e mayoria di centronan di cuida ya ta cumpli cu tur e rekisitonan caba. Si tin cambio cu lo mester wordo haci pa locual ta regarda siguridad of infraestructura e ta tuma su tempo y inversion pero a duna un plaso di tempo rasonabel cu no mester ta di biaha. E ta un comienso y mester ta un ley positivo pa nos muchanan y Aruba en general. Cu un bon sistema di centro di cuida di mucha e ta trece e beneficio cu ne cu lo tin mas participacion laboral di e mayornan y ta importante pa nos hende muhenan keda forma parti di e mercado laboral. Tambe fraccion di AVP a entrega un mocion pa sondea e posibilidad pa gobierno co financia e pago di crèche sea den un forma directo of reduccion fiscal. E ley aki tin hopi potencial pa bira uno sumamente exitoso y positivo sra Arends-Reyes ta termina bisando.

Jacky van Putten, POR

Danki na eleccion deporte tin atencion

ORANJESTAD - Ultimo simannan nos por a tuma nota con tin interes a aumenta un biaha mas pa deporte claro mirando cu ta aña de eleccion. Pa ultimo añanan nos por a mira un ausencia completo di nos gobierno den deporte.

Citando nos mesun minister di deporte, e no tabatin tempo pa deporte e prome 3 añanan, ya cu pa su persona e cartera di salubridad ta mas importante. Faltando 3 luna prome cu eleccion diripiente tin tur atencion pa deporte y a core pone un conferencia pa delinea awo un programa pa 10 aña y bin cu tur sorto di comision pa asina duna deporte su atencion debido. 'A little to Little, a little to late', aunke esaki no ta sorprende mi, hopi politiconan a core campaña primintiendocielo y tera pa cu nos deportistanan y deporte engeneral y ora e momento yega nos no ta mira nada di e promesanan. Politiconan cu berdad no sa kico ta come of bebe den deporte y ta priminti tur sorto di solucion te ora nan sinta y



mira cu realidad ta otro. Mi por bisa esaki pasobra ami a sinta 34 aña bou di tur gobierno y por a experencia esaki personalmente. Un maneho deficiente of miho dicho un ausencia di maneho den e ultimo gobernacion a hiba deporte na un estado critico. E estado di e facilidadnan ta deplorabel y sin uzo. Minister ta bisa cu tin hopi placa, anto mi ta puntra pakico no a mantene sikiera e facilidadnan sino tabatin tempo pa deporte e ultimo 3 aña y mey. Tuma por ehempel cancha di basketball na Village, 4 aña pasa e la wordo renoba pa colega di partido y ex minister di Turismo Otmar Oduber.

Awe e ta un berguensa pa mira con nada a wordo haci mas y e luga a wordo laga na su cuenta. Pero danki na eleccion porta awor atrobe e lo por haya atencion y gobierno por core renob'e pasobra mester voto.

E mesun storia cu Esso Ville, un bunita luga, pero bandona pa falta di vision y maneho. Como politico den un partido forsa nobo bo no kier ta negativo y ni punta dede pero mester conscientisa e pueblo riba e falta di maneho cu a hiba e deporte unda e ta awo. Tur minister ta mete riba e tereno di deporte sin cu tin un plan di maneho. Joe Laveist Ballpark a wordo renoba door di Minister de Meza, di otro banda Minister President tambe ta regala material sin pensa con nan lo wordo mantene y no ta involucra e federacion di e deporte mes. Linear Park a wordo traha door di ex Minister di Turismo Otmar Oduber, anto mi pregunta ta unda e maneho di deporte a keda, pakico mester a warda asina hopi pa bin cu un plan di maneho? E proximo



governacion mester pone full atencion pa cu nos deporte. E mester bira un prioridad! No por y no mag di negligisha esaki mas. Mester hiba e deporte bek na nos pueblo, na nos hobennan, na nos barionan y scolnan. Maneho di deporte no por ta mas show and tell, mira ki facilidad mi a traha sino e mester ta mira cuanto hende ta practica deporte y percura pa nan salud. Mi maneho cu sosten di boso e deportista, e hoben y e famia ta pa percura cu e

placa wordo uza pa asina tur cu kier por tin e oportunidad pa practica deporte. Nos barionan mester tin e facilidad pa brinda un luga sano y sigur unda nan por move. Nos scolnan mester debido atencion pa asina desde hobennan por crece cu e bon habito di deporte. Nos no por ignora e importancia di e cartera aki y mester un persona cu lo por trece a cambio aki. Experencia y know how lo por cambia e rumbo di e decadencia den deporte.



Ronny Maduro di POR

Dia International di Medio Ambiente

ORANJESTAD – Kisas awor mas cu nunca nos mester para keto y refleha nos impacto pa cu medio ambiente. 5 di juni cu ta dia Internacional di Medio Ambiente ta pa curasha conscientisacion pa cu nos medio ambiente. Wel laga nos ta consciente di locual probablemente ta afectando nos medio ambiente si nos como pais no ta bon informa ni bon prepara.

For di siman pasa Aruba a wordo afecta cu “oil spill” procedente di un derame na Trinidad. Esnan encarga a declara den prensa cu tabata warda pa wak kico ta pasa y obviamente esey ta ilustra di no tabata prepara pa eventual consecuencia pa Aruba. No tabata tin ekipo y/of material “en place” A considera cu e “oil spill” aki no tin efecto pa flora y fauna di Aruba solamente considerando cu no a observa ningun para of pisca cubri pa “petroleo” of morto a causa di esaki.

Nos como pais mester ta mucho mas consciente di e efecto cu algo asina por tin y cu no tur consecuencia ta presenta inmediatamente. Nos mester ta mucho mas informa y responsabel pa nos pais. Paso te ainda no a informa con ta bay contene, almacena y procesa e producto toxico aki di e “oil spill”. Nos no por ni

pensa cu lo ta di djis recoge e producto toxico aki y mud’e kisas na un dump cu gobierno so ta uza! E producto aki mester keda contenido ora procesa esaki of transporta den exterior unda cu si por procesa esaki. Gobierno no ta mustrandó di tin un plan of no ta ilustra esaki a traves di su accionnan. Aruba a caba di permiti un benta / compra di un refineria sin a realmente considera e suma kisas hasta biyonario pa cu e limpieza real di full e terreno, contamina, cu awor delasto Valero a laga atras. A duna prioridad na locual por “bende cu pueblo” y no haci locual Aruba merece. Ta for di tempo cu Lago a bay no a ricibi ni lo minimo pa limpieza di e terreno, pero awor cu a negocia e benta den un milenio nobo mester tabata mucho mas miho informa y dispuesto pa esnan responsabel pa contaminacion di nos medio ambiente mantene nan mes na nan responsabilidad! No cu nos como pais a lo largo lo tin cu carga cu e gasto biyonario aki eventualmente. Recientemente den prensa ta sali cu ta procesa desperdicio di cas y ta dera e restonan den paketenan y si no ta bisiñanan cu a keha no lo sa di e procedura aki.

Nos ta consciente cu Aruba tin un reto enorme su dilanti cu procesamiento di nos desperdicio. Pero preguntanan cu ta surgi ta, e



metodo aki ta permitibel na Aruba. A palabra cu instancianan y of gobierno? Ta algo temporal of permanente? Hecho ta cu nos como pueblo mester y merece di ta hopi mas informa y considera den proceduranan den e caso aki pa locual ta regarda nos medio ambiente, pa nos y pa nos futuro generacion.

MEP: Partido AVP nunca ta lubida su mal maña

Rene Herdé ta sigui manipula mente di pueblo cu cifranan fantasma di crecimiento economico

ORANJESTAD – Mirando e desaroyo decepcionante di e crecimiento economico durante di e ultimo 7 añanan, un biaha mas nos ta haya e parlamentario di AVP, Rene Herdé - den su desesperacion pa defende su gobierno ciegamente - ta sali padilanti y ta bolbe manipula mente di pueblo cu cifranan fantasma di crecimiento economico.

Tur esaki despues cu MEP ya na varios ocasion caba ta pidi un splicacion for di Gabinete Eman na kico nan a malgasta e 3 biyon florin extra cu nan a haya na entrada y aumento di debenan durante e ultimo

CRECIMENTO ECONOMICO (%)	
2010	-3.4
2011	3.5
2012	-1.4
2013	4.2
2014	0.8
2015	-0.5
2016	-0.2
TOTAL 2010 - 2016	3%

7 añanan. Y pa hustifica nan maldad den gobernacion, cada biaha sr. Herdé ta papia di e caida di nos economia cu

-11.3% na 2009 bao di Gabinete Oduber.

Crisis financiero mundial
Pero tur hende cu sano hucio ya ta na altura caba di e crisis financiero mundial na 2008/2009 cu tambe a afecta pais Aruba severamente y cu a conduci na e caida drastico menciona. Sinembargo sr. Herdé no ta papia nada di e hecho con den e añanan anterior nos economia a crece grandemente bao di Gabinete Oduber y cu te hasta na 2004 nos pais a conoce un crece-

mento economico record di 7.9%. Hecho ta cu tanto na 2003 (2%), 2004 (7.9%), 2005 (1.2%), 2006 (1.1%), 2007 (2%) y 2008 (0.2%) nos economia a crece positivamente.

Downgrading door di AVP

E crecemento aki siguramente a conduci cu tanto Fitch, Standard & Poor's, IMF y Gobierno Hulandes a duna elogio na Gabinete Oduber, caminda nos pais tabata tin un Credit Rating di A- y asina mes cu nos pais a ser afecta seriamente door di e crisis financiero mundial. Y tur e logronan aki di crecimiento a ser realiza sin cu Gabinete Oduber a hereda algun cien di miyones di florin manera cu e gobierno di AVP si a haya na final di 2009, esta di 970 miyon florin. Alavez Gabinete Oduber no a fia biyones di florin endeudando e generacion aki y futuro generacionnan, manera cu Gabinete Eman a haci cu e aumento di e megadebe cu 2.2 biyon florin. No mester lubida tambe cu ta bao di

Gabinete Eman nos pais a ser downgraded te na un Credit Rating di BBB-, un paso mas pa yega na un Junk Rating. Esaki no ta un berguensa, sr. Herdé?

Scondemento di e berdad

Pero un biaha mas no por falta e manipulacion cu cifra di parti di Rene Herdé. Den su ultimo comunicado el a trece padilanti cu “entre 2010 y 2017 economia a crece cu mas di 13%”.

Sinembargo den e tabel adhunto por mira con e crecimiento economico tabata entre 2010 y 2016 bao di Gabinete Eman. Un y tur por constata cu desde 2004 pais Aruba a conoce caidan drastico di nos economia y den total entre e 7 añanan di Gabinete Eman e economia a crece cu solamente 3%! Awor ta di unda Rene Herdé a inventa e 13% aki of esaki ta forma parti di e scondemento di berdad pa loke ta e situacion financiero economico cu su gobierno di AVP lo laga atras na september 2017?

NO CONTRIBUI CU E CIFRA DI VICTIMA DEN ACCIDENTE DI TRAFICO

Pone bon TINO ora bo ta STUUR



Tel: 593-0857 / 588-6699 / 560-1403
Fax: 588-6698

Caminda Dios ta, ey mi kier biba.
Senjor ta mi luz y salbacion, di ken lo mi tin mie-
do?
Senjor ta Fortaleza di mi bida, pa ken lo mi tem-
bla?
Salmo: 27

Cu inmenso tristesa na nos curason, pero con-
forme cu boluntad di Dios,
nos ta participa fayecimento di nos ser stima:



Casiano Hipolito Boekhoudt

Mihor conoci como: Casian of Cachan
*12-08-1948 - †01-06-2017

Na number di su rumanan stima:

Nico y Martina Boekhoudt- Rosenberg y famia
†Johan (Jani) y Filomena Boekhoudt- Dijkhoff y
famia

Livia y Candy Petrocthi- Boekhoudt y famia
Inchi y Buchi Briezen- Boekhoudt y famia
†Juan y Marlin Boekhoudt- Erasmus y famia
†Florencio y Nidia Boekhoudt- Helder y famia
Filomena y †Leo Lumenier- Boekhoudt y famia
Jossy y Judith Boekhoudt- Kock y famia
Catrien y Enrique Lue- Boekhoudt y famia
Edwin y †Anna Boekhoudt- Briezen y famia
Violeta y Anthony Maduro- Boekhoudt y famia
Lilian y Robert de Kort- Boekhoudt y famia

Subrina stima: Estee, Luis, Ludwin y Eliane Leyva
Tanta di respet: Pepaya Boekhoudt- Lopes y famia
Iha: Jairo Boekhoudt

Subrino y Subrinanan:

Chanin, Suzette, Erica, Roraima, Vanesse, Ange-
lo, Shamila, Ingemar, Gino, Jairo, Anton, Jeandel-
la, Sigbert, Rensell, Amber, Jair, Jarienne, Andy,
Jillany, Estee, Daisy, Nathany, Ryan, Sharylaine,
Veronique, Raymbert

Sobre subrino y subrinanan

Bon amigo di cas: Anthony y Omaira Erasmus-
Hart y famia

Primo y primanan, amistadesnan, conocirnan y
demas famia:

Boekhoudt, Rosenberg, Dijkhoff, Petrocthi,
Briezen, Erasmus, Helder, Lumenier, Kock, Lue,
Maduro, De Kort, Kelly, Penja, Yung, Simon,
Henricus, Rasmijn, Croes, Woodruff, Gonzalez
Zapata, Gutierrez, Fingal, Leyva, Ras, Hart.

Oportunidad pa condolencia lo tuma lugar dia-
mars dia 6 di Juni 2017 entre 7or - 9or pm na Au-
rora Funeral Home. Acto di entierro lo tuma lugar
diaranson 7 di Juni 2017 na Aurora Funeral Home
for di 9or pa 11or di mainta, sigi pa Santana Ca-
tholico na Paradera. Nos disculpa si den nos mo-
mento di tristesa nos por a lubida un of otro famia.
Nos ta lamenta cu despues di entierro nos no ta
ricibi bishita di condolencia na cas.



Tel: 593-0857 / 588-6699 / 560-1403
Fax: 588-6698

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Cu inmenso tristeza na nos curazon nos ta par-
ticipa fayecimento cristianamente di nos defun-
to stima:



Sra. Sara Werleman

Mihor conoci como “Mamai”
*28-08-1931 - †02-06-2017

Na number di su:

Yiunan:

Epifanio (Pief) Maduro y Ita Dirksz
Adelaida (Aida) y Tico de Mey
Felipe (Buchi) Maduro
Brigida Maduro y Robertico Donato
Juan (Vito) y Ludy Maduro
Marcelo (Nunu) Maduro
Ludwina (Fina) y Alvin Donato

Manera yiu: Mary Jane Geerman
Nieto(a)nan: Joy, Junior, Eric, Michel, Steven,
Carlos, Jonathan, Jeanara, Jurienne, Bryan, Je-
rushah, Bricetty, Dewi na USA, Shannon, Lupi-
ta, Mevelin, Marsela, Vito Jr, Aldwin y Derwin
Bisanieto(a)nan: Joyceline, Joydrick, Amylaine,
Erickson, Aishlene, Carl, Joel, Caryl-Lean,
Rayshlenne, Rayenne, Carlson, Joel, Jurienne,
Jualie, Julaine, Jaysi-Anne, Bryandrah, Bryan Jr,
Arxthon, Jerxianne, Braixen, Cindy, Shanty, Di-
ego Jr. Shannon Jr, Ilan, Hayley, JT, Carmen,
Alwin, Aleyni, Kayra, CJ, Carmensita, Gregyon,
Julaine, Jumaily, Aizequel, Neylan, Zileyna y
Zeylan

Tataranieto(a)nan: Tizianne, Tizionne, Zyxion,
Joyendrick y Erneall

Rumannan: Agrapina Werleman y famia

Maria Werleman y famia

Trinita Werleman y famia

Thomas Werleman y famia

Iha: Marsela Wernet y famia

Mama di nietonan: Irma Werleman

Sobrino y sobrinanan, primo y primanan

Amigo di cas: Angelo Kelly

Demas famia: Werleman, Maduro, Geerman,
Bisliip, Dirksz, De Mey, Boekhoudt, Donato,
Ras, Cid Cabrera, Croes, Carty, Hernandez,
Pastoor Alvarez, Helder, Vrolijk, Lampe, Hen-
riquez, Leon, Kelly, Marti, Andrews, Morillo,
Rosa

Nos disculpa si den nos tristeza nos por a lubida
un of otro famia.

Acto di entierro ta tuma lugar diamars 6 di juni
2017 di 2’or pa 4’or di atardi na Aurora Funeral
Home, despues saliendo pa Santana catolico na
Sta. Cruz.

Adres pa condolencia: Aurora Funeral Home,
dialuna 5 di juni 2017 di 7’or pa 9’or di anochi.



Tel: 593-0857 / 588-6699 / 560-1403
Fax: 588-6698

Cerca Dios mi ta na paz.
Manera un yiu cerca su mama. Salmo: 131
Cu profundo tristesa pero agradecido pa tur
local el a significa pa nos y conforme cu bolun-
tad di Dios nos ta participa cu a bay sosega den
brasanan di Señor:



Sra. Hipolita Albertsz-Maduro

Cariñosamente yama: Polita
*13-02-1934 - †03-06-2017

Ta invita pa asisti na e acto di entierro, cu lo tuma
lugar diasabra 10 juni 2017 for di 2’or pa 4’or
di atardi na misa Inmaculada Concepcion na
St.Cruz y despues lo sali pa Santana Catolico na
St.Cruz. Nos difunto stima Polita lo ta reposa
for di 11’or di mainta te cu 1:30 di merdia na cas:
Rooi Bosal 94.

Adres pa condolencia: Rooi Bosal 94, for di 6’or
pa 9’or di anochi.



Tel: 593-0857 / 588-6699 / 560-1403
Fax: 588-6698

Mi ke alabá Señor tur tempo,
Su alabanza lo no kita fo’i mi boca,
Mi alma ta gloria den Señor,
Laga humildenan bin tende y gosa.
Canta grandesa di Señor huntu cu mi,
ban alabá Su Nomber tur huntu! Salmo 34
Cu honda pena nos ta anuncia feyecimento in-
espera di :



Ivan Jesus Zavala

*10-03-1960 - †03-06-2017

Acto di entierro lo wordo anuncia despues



Tel: 593-0857 / 588-6699 / 560-1403
Fax: 588-6698

"Dios ta amor... y amor ta Dios, maske mi no ta
na e mundo aki, tur dia lo mi ta banda di boso
Curazon, mi por steuns di loke Señor ta hasi"
Cu inmenso tristeza na nos curazon nos ta par-
ticipa fayecimento inesperadamenti di :



Pedro Alfonso Pardo

Mihor conoci como “Papi Pedro” of “Perus”
*29-06-1926 - †02-06-2017

Acto di entierro lo wordo anuncia despues



“Laga tur locual cu ta sperami ta bunita, Laga tur locual cu mi encontra na caminda ta bunita, Laga tur locual cu ta rondonami ta bunita, Laga tur locual mi ta laga t’ras keda bunita, y laga esakinan termina den tur buniteza”

Cu imenso tristeza na nos curazon pero conforme cu boluntad di Dios nos ta anuncia fayecimento di:

Theobaldo- Maduro

Mihor conoci como “An-
ivio” of “Chobo”

*01-07-1942– †30-05-2017



Na number di su:

Esposa Stima: Yolanda Maria Maduro-Pietersz

Yiunan Stima:

Meier y Mildenny Maduro-Croes

Micheal y Zulaika Croes-Dirksz na Hulanda

Nieto y Nietanan Stima:

DeSean y DeQuion Maduro

Yurian, Neythian, Xian-Iva, Xianayah y Thrisian Croes na Hulanda

Iha Stima:

Janelle Vlaun

Rumannan:

Benita van de Ham y Famia

Grela Maduro y Famia na Hulanda

Apolonia Maduro y Famia na Merca

Cerilio Maduro y Famia na Kòrsou

Pedro Maduro y Famia

Miquel Maduro y Famia

Swa & Cuñanan:

Vda. Regina Thijsen-Pietersz

Ronald (Gepi) Pietersz

Carmen y Sigfried Roos-Pietersz

Innocencia (Nana) y Johnny Vlaun-Pietersz

† Clara (Rita) Pietersz

Jane Pietersz

Glenda Pietersz y Juan Winterdaal

Glenn (Toto) Pietersz y Myrna Arends

Susan Pietersz

Shirley y Arnold Lattig-Pietersz

Oscar (Scoen) y Maria Pietersz-de Cuba

Donald (Go) Pietersz

† Stanley y Vda. Betty Pietersz-Revilla

Robert (Poll) y Josefina Pietersz-Tromp

Manera un Cuña: Celestina (Chichi) Martha

Tur su Sobrino y Sobrina nan, Primo y Prima nan

Primo y Prima nan mas pega: Chibin y Famia, Ines

Winterdaaly Famia

Amigo y Amiga nan di cas: Shontan Croes y Famia;

Vda. Reina Pietersz y Famia, Vda. Olivia Kalinowski,

Vda. Frida van der Linden, Rosa y Gabriel Kelly-

Yarzaragayy Famia, Dr. De Windt y Esposa, tur amigo

nan di Djiespies Place, tur amigo nan di conhunto y

músico, Ruben Croes y su grupo, ex pelotero nan di

malboro baseball club.

Bisiñanan: Francisco Rodriguez y Famia; Simon

Webb y Famia; Ro Paskel y Famia

Comer y Compernan, Amigo(a)nan y conocirnan y

tur es nan cu a compañe den tur momento.

Demas Famia: Maduro, Pietersz, Erasmus, Winter-

dal, Hernandez, Coffie, Kock, Croes, van de Ham,

Tromp, Webb, Rodriguez, Thijsen, Roos, Vlaun,

Winterdaal, Arends, Lattig, de Cuba, Revilla, Tromp,

Martha, Kelly, Yarzaragay, Dirksz.

Si en caso den nos tristeza nos por a lubida algún per-

sona of famia, nos ta pidi nos mas sincero disculpa.

Acto di entierro ta tuma lugar Diaranson 07 Juni 2017

pa 4’or di atardi na Ad Patres Funeral Home y despues

saliendo pa santana Catolico na Savaneta. Nos defun-

to stima lo ta reposa for di 2’or di atardi na Ad Patres.

Enbes di flor of krans un lo bai tin un box disponibel

pa hasi donashon pa un bon causa esaki lo ta altamente

aprecia, danki pa e bunita gesto aki.

Staff y personal di Ad Patres funeral home ta extende

nos mas sincero condolencia na famia di e fayecido.

Condolencia por wordo manda riba nos website:

www.adpatres.webs.com



Jesus a bise: ‘Ami ta e resurekshoni e bida; es un ku kere den Mi lo biba, maske e muri, i tur esnan ku ta bibai ta kere den Mi lo no muri nunca’
Juan 11:25-26

Cu inmenso tristesa na nos curazon pero conforme cu boluntad di Dios nos ta anuncia fayecimento cristianamente di:

Sra. Maria Croes-Lampe

Mihor conoci como ‘Inja’ o ‘Lilia’
Viuda di Julio Miguel Croes-Alarcon
* 05 di maart 1933 – † 02 di juni 2017



Yui di:

† Joseph ‘Joso’ y † Catharina ‘Chichi’ Joso Lampe-Lacle

Yuinan:

† Eduardo y Maria Croes-Hoevertsz, Rubiel Croes, Julio ‘Jujú’ y Audrey Croes-Lacle, Astrid Croes, Sergio y Marcia Croes-Geerman

Fatima Bernier

Nietonan:

Jolene Croes, Carolina Croes, Ruchella Yarzaragay, Sabrina Yarzaragay, Jonathan Croes, Sharma y Jonatan Geerman-Croes, Julio ‘Julito’ Croes, Randolph Croes

Priscilla Castiblanco, Sergino Croes, Xergi-Anne y Jonathan Boye-Croes

Sergioma Croes

Bisanietonan:

Jolainy Vrolijk, Jaydrick Vrolijk y Jaeleah Croes

Sion Werleman, Sean Werleman y Brianna Werleman

Thyziana de Cuba, Thaisha de Cuba, Thianna de Cuba y Adan de Cuba

Jeathan Croes, Asher Geerman, † Matthew Croes, Owen Almazo-Croes, Travis

Martinez, Xylon Boye y Xylianne Boye

Rumanan:

† Aura ‘Ala’ y † Willy Werleman-Lampe y Famia

Norma Lampe

Yolanda Lampe

Annie y Antonio Rosenstand-Lampe y Famia

† Calixta ‘Icha’ y Lucas Geerman-Lampe y Famia

† Joseph ‘Jossy’ Lampe

† Lino y Anselma Lampe-de Cuba y Famia

† Charles ‘Charlie’ y Violeta Lampe-Croes y Famia

Elsa y Ernst Kamminga-Lampe y Famia

Henry y Manirma Lampe-Vries y Famia

Jorge y Maria Lampe-Kelly y Famia

Tanta:

Sra. Viuda Annette Maduro-Lampe y Famia

Swa y Cuñanan:

† Lilia Arregoces-Lubo y Famia

† Felicia Arregoces-del Prad y Famia

Pedro ‘Nolasco’ Alarcon y Famia

† Ramiro Croes y Famia

† Gala Maduro-Croes y Famia

Jorge ‘Pompo’ Croes y Famia

Amistadnan di cas:

Floralba Croes y Famia, Abigail Gerena y Famia, Nubia Esperanza y Famia, Stella Gonzales y Famia, Swinda Maduro y Famia

Ayudantenan di cas:

Fabiola Cardona y Carmen Gotopo

Sobrino y Sobrinanan, Primo y Primanan, Ihanan y demas Famia:

Croes, Lampe, Lacle, Maduro, de Mey, Alarcon, Hoevertsz, Geerman, Yarzaragay,

Castiblanco, Meza, Boye, Vrolijk, Werleman, de Cuba, Almazo, Martinez, Quan-

dus, Carillo, Jimenez, Gutierrez, Tieleman, Koolman, Leonardo, Rosenstand, Vr-

ies, Kamminga, Kelly, Arregoces, Alarcon, Lubo, del Prado, Mengual, Dirksen,

Pereira, Christiaans, Joho, Sneek, Ras, Bruzon, Bernier, Carrasquilla, Gonzalez,

van der Linde, van der Linden, Kock, Rustveld, Boekhoudt, Gomez, Infanzon,

Quintero, Tromp, Lopez, Simons.

Bisinjanan, Conocirnan di Bingo y Centro Kibrahacha y demas Famianan.

Condolencia lo tuma lugar Diamars 06 di juni 2017 for di 7 or di anochi pa 9 or di anochi na Royal Funeral Home.

E acto di entierro lo tuma lugar Diaranzon 07 di juni 2017 pa 4 or di atardi saliendo for di Misa Santa Filomena pa Santana Catolico na Savaneta. E resto nan mortal lo reposa for di 1 or di merdia den Misa Santa Filomena na Paradera.

Si den nos tristesa nos por a lubida un Persona o Famia, nos ta pidinos mas sincero disculpa.

Lo bai tin un box di Centro Kibrahacha disponibel.



“Señor ta mi wardadormi’n tin falta di nada.

Den cunucu di yerba berde, E ta ponemisosega.”

Cu hondapenaperoconforme cu boluntad di Dios, nos ta anuncia fayecimento Cristianamente di:



Sra. Vda. Maria Pharailda de Kort - Lacle mihorconocicomo:

“Shon Fa”

Viuda di Ramiro
(Chomi) de Kort

*3 maart 1923 -
†5 juni 2017

Acto di entierro ta tuma lugar Diahuebs 08 juni 2017 pa 4or di atardi na Misa Sagrado Curazon na Savanetay despues saliendo pa Santana Catolico na Savaneta. Nos defunto stima “Shon Fa” lo ta reposa for di 2or di atardi na Misa.

Adres pa condolencia:

Ad Patres Funeral Home

Diaranson 07 juni 2017

for di 7:00 pm pa 9:00 pm

Staff y personal di Ad Patres funeral home ta extende nos mas sincero condolencia na famia di e fayecida.

Condolencia por wordo manda riba nos website

www.adpatres.webs.com



facebook.com/bondianoticia



Paardenbaastraat 10, Oranjestad, Aruba Tel.: (297)5257555

www.lottoaruba.com

Resultado di Sorteo 05 Jun 2017 Anochi

CATACHI
Sorteo # 6192
0297
5672
0028
BIG 4
Sorteo # 5236
1530
ZODIAC
Sorteo # 3995
7660
Cancer
KORSOU
Sorteo # 1729
3515
9985
1524

LOTTO 5	
Sorteo #	Joker Letter
0 x Jackpot	
0 x Match 4+	
0 x Match 4	
0 x Afl. 12,00	625.000,-

LOTTO DIA	01-03-09-15-24
Sorteo # 4075	Proximo Jackpot
0 x Jackpot	
0 x Match 4	
0 x Afl. 8,00	54.000,-

MINI MEGA	
Sorteo #	Mega Ball
0 x Jackpot	
0 x match 4	
0 x Afl. 500,00	
0 x Afl 50,00	
0 x Afl.15,00	1.350.000,-

MINI MEGA PLUS	Afl. 2.000.000,-
-----------------------	-------------------------

Bo cadena di number di suerte
ta presenta resultado di awe
Alexander

DIARIO 3516-9830-5298

DIARIO

SUPER 4 7890

SUPER 4

SMARTPLAY
DAILY
FLAMINGO

9393-5034-1183
3978-0318-5585
8535-2362-7482



Paardenbaastraat 10, Oranjestad, Aruba Tel.: (297)5257555

www.lottoaruba.com

Resultado di Sorteo 05 Jun 2017 Merdia

CATACHI
Sorteo # 1875
4225
5091
6577
BIG 4
Sorteo # 1875
3225
ZODIAC
Sorteo # 1875
5194
Aquario
KORSOU
Sorteo #

LOTTO 5	
Sorteo #	Joker Letter
0 x Jackpot	
0 x Match 4+	
0 x Match 4	
0 x Afl. 12,00	625.000,-

LOTTO DIA	
Sorteo #	Proximo Jackpot
0 x Jackpot	
0 x Match 4	
0 x Afl. 8,00	53.000,-

MINI MEGA	
Sorteo #	Mega Ball
0 x Jackpot	
0 x match 4	
0 x Afl. 500,00	
0 x Afl 50,00	
0 x Afl.15,00	1.350.000,-

MINI MEGA PLUS	Afl. 2.000.000,-
-----------------------	-------------------------



Aries

No tuma nada como algo definitivo.
Analisa tur cos bon y lo bo haya solucion.
Number: 11, 23, 39, 45.



Tauro

Lo por surgi un situacion cu lo por
pone bo incomodo. Miho manera ta
pa no reacciona riba esaki. Number: 1,
13, 29, 35.



Geminis

E problemanan entre abo y bo
pareha ta algo di pasado. No laga
bo temperamento pone bo cay den
provocacion. Number: 10, 23, 39, 45.



Cancer

Disfruta di bo tempo den compania
di bo sernan keri. Biba bo bida den
plenitud. Number: 20, 33, 35, 42.



Leo

Bo tin bo pensamento riba un rij, cual
ta yuda bo comprende hopi cos. Lo bo
tuma decisionnan cu ta na bo favor.
Number: 17, 28, 32, 46.



Virgo

Bo soñonan lo bira realidad. Si bo ta bo
so, lo surgi un romance nobo y si bo
tin pareha, e lasonan lo bira mas fuerte.
Number: 7, 18, 22, 36.



Libra

Bo tin e tendencia di bisa cosnan cu lo
por herida bo pareha. Stop di keha pa
cosnan cu no tin sentido. Number: 6,
16, 26, 32



Scorpio

Pone bo cosnan na ordo pa bo ta prepara
pa loke bida tin di ofrece. Aplica loke
bo a siña den experencianan anterior.
Number: 8, 19, 22, 44.



Sagitario

No laga bo relacion bay perdi pa
cumpli cu deseo di tercera persona.
Esey lo por sali bo hopi caro.
Number: 4, 10, 25, 41.



Capricornio

Hopi di situacionnan di pasado,
lo keda resolvi. Awo ta bo tempo
pa disfruta di bo bida. Number: 3,
19, 28, 38.




Aquario

Ta tempo pa laga loke ta preocupa
atras. Disfruta di bo presente y laga bo
pasado atras. Number: 14, 27, 33, 40.



Pisces

Bo bida amoroso lo crece segun bo
pone. Lo bo supera felizmente bo
problemanan di pasado. Number: 13,
25, 31, 47.



FUNDACIONNAN

Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

Fundacion Hende

Muhe den dificultad
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19 Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Ned Rode Kruis

Perdo Gallegostraat 14 Aruba
297-588-3376

Famia Planea (SBVO)

Avenida Milio J Croes 17 B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord (close to the hotels)
Tel: 736-2952 or 593-7081

A1 Taxi Services Aruba

Italiestraat 50 lokaal 7
Tel: 587-8850
Tel: 280-2828
Whatsapp: 592-7024
E-mail: a1taxiservices.aruba@hotmail.com



Dokter na warda

Dr. Horenbeeck Tel. 586 3434
San Nicolas Dr. Ramautar Tel. 584 4280

Botica na warda

Oranjestad: del Pueblo Tel. 582 1253
San Nicolas San Lucas Tel. 584 5119

SERVICO DI TAXI

Aruba Transfer Tour & Taxi C.A.
Pos Abao #41
P.O.Box 723 Aruba
Tel: 582-2116 / 582-2010
Fax: 583-6988
Taxi Adres Service (24h)
L.G. Smith Blvd. #234
Oranjestad Aruba
Tel: 587-5900
Fax: 587-1928
E-Mail: tas@setarnet.aw



Cruise Ships Schedule ☞ JUNE 2017

			ARR	DEPT	BERTH
THU	01				
FRI	02				
SAT	03				
SUN	04				
MON	05				
TUE	06	CARNIVAL MAGIC	13.00	22.00	C
WED	07	CARNIVAL VISTA	13.30	22.30	C
		ZENITH	07.30	16.30	B
THU	08				
FRI	09				
SAT	10				
SUN	11				
MON	12				
TUE	13				
WED	14	ADVENTURE o/t SEAS	07.15	23.00	B
		CARNIVAL SPLENDOR	14.00	23.30	C
		ZENITH	06.45	16.30	H

EMERGENCIA

911

POLIS

Oranjestad 100
San Nicolas 104
Santa Cruz 105
Noord 107

Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

Setar 117
Web 525-4600
Elmar 523-7147

Aurora 588-6699
Ad Patres 584-2299
The Olives Tree 584-8888
Royal Funeral H. 586-4444

Centrale Bank van Aruba Daily Exchange Rates - 06/05/2017



Currency ¹	Buying from Public ²	Buying from Public ³	Selling to Public
ANG	98.00	100.00	100.20
ANG ⁴	-	-	100.00
USD	1.77	1.78	1.80
CAD	1.30	1.32	1.34
CHF	184.36	185.08	185.88
GBP	2.23	2.28	2.34
JPY	159.72	161.18	162.80
EUR	198.54	200.35	202.36
DKK	25.94	26.66	27.46
NOK	20.10	20.82	21.62
SEK	19.54	20.26	21.06

For amounts up to Afl. 100,000

E team di my guardian group walk and run Aruba preparando pa registracion



ORANJESTAD - E di 5edicion di My Guardian Group Walk and Run Aruba 2017cual ta tuma lugar diadomingo dia 11 di juni proximo ta den full preparacion pa atende cu tur persona cu a pre registra online na www.myguardiangroup.com na events Aruba, pa cana 6km of core 6km of 10km. Pre-Registracion ta drenta keto bay y e aña aki atrobe nos lugar pa un total maximo di 2000.

E cantidad di coredonan ta crece cada aña y e entusiasmo ta grandi di parti di canadonan pero tambe companianan cu tin nan grupo di empleado saludabel y activo. Guardian Group su team di registracion ta pidi pa coopera adelantanta den forma di aplica pa un lista via e-mail mjacopucci@dc.myguardiangroup.com pa asina tur empleado di un compania cu ta forma un grupo pa participa y cu a pre registra online caba. Asina nos por yuda eficientemente den e siman di reg-

istracion oficial cu ta cuminsa dialuna dia 5 di juni te cu diabierna 9 di juni, for di 5.30pm te cu 9pm, na nos oficina di Guardian Group Fatum pa busca nan T-shirt y number di participacion di biaha. Pa e coredonan 6 y 10 km ta importante pa informa cu e aña aki atrobe nos lo saca e careda den 2 tiro. Coredonan 10 km lo Sali 6 am y coredonan 6 km lo Sali 6.05 am, sigui pa tur e (fun)walkersnan 6km. Cana 10 km no ta posibel pa motibo di seguridad y conseho di KPA. Salida y final lo ta for di oficina di Guardian Group Fatumna L.G. Smith Boulevard. 162. Prome cu salida entre 5am y 5.45am lo tin warm up session door di Leroy de Vries di 297 Cross Fit.

Yega na tempo pa bo prepara bo curpa pa e careda y canamento. Nos lo tin un tent special pa tene bo yabi di auto y "fietsenrek" pa e atletanan di triatlon cu ta participa. Lo tin total 3 post di awa riba e rutan cu ta na skina di Superfood, Sha-



ba (dilatante di Bestial) y den Schotlandstraat na CERD. Inscripcion ta costa awg. 25,00 pa persona. Esaki ta encera bo chip bibnr., drift T-shirt, 1 visor y Shopping bag, medaya pa tur cu yega final, fruta y bebida refrescante. Mucha cu edad 16añabaiaribaporcompeti den distancia di 10 km. Pa coredo, lo tin premio den 6diferentecategoría di edad pa hende muhe y hende homber y e overall winners di 6km y 10km lo ricibi ticket ida y buelta pa Corsou pa participa na e Walk and Run di Guardian Group cual ta tuma lugar diadomingo dia 29 di october proximo. Nos lo tin na final un super bon ambiente atrobe cu musica, e team di weight consultants di Cuts and Curves, bebida

refrescante, fruta, koffie y te di Smit & Dorlas, y un dushi sopi prepara pa Divi Resorts. Gatorade di Romar Trading y Awa Le Bleu di Manrique Capriles. Guardian Group lo haci donacion na diferente instancia cu lo wordo invita e mainta aki pa ricibi esaki.

Si bo no a pre-registra ainda haci esaki mas lihe posibel online <https://registration.mylaps.com/guardian-run-aruba/>. No lubida di pasa personalmente for di dialuna dia 5 te cu dia 9 di juni entre 5.30 y 9 pm pa sigura bo participacion door di paga y busca bo T-shirt y number di participacion. First come-First Serve y nos ta tuma 2000 participante. With Guardian Group You Never Walk alone! Wak pa bo t'ey.

Cambio di fecha di rifa di MEP pa diabierna 23 di juni



ORANJESTAD (MEP) –Partido MEP ta anuncia cambio di fecha pa e rifa di placa cash cu tabata plania pa hunga dia 3 di juni.

E biaha aki, MEP lo tin e tremendo rifa di tres premio atractivo. Prome premio ta Afl.10.000. Segundo premio ta Afl.5.000 y tercer premio ta consisti di un basket. Pa apenas 5 florin bo



por cumpra un ticket y bo tin e chance di gana un di e premionan aki.

Sorteo lo tuma lugar diabierna 23 juni. Tin ticket ainda disponibel cerca candidatonan di partido y cerca miembronan di directivanan. Tambe na Cede di MEP. Contribui na bo partido y cumpra bo rifa. Ta solamente si bo cumpra bo rifa, bo linea ta na awa.

Resultado di Rifa di SV Estrella

Premio # 5 Weekend-stay Marriott Resort, Ticket no. 8975 Ernesto Velasquez Ponton 101 5835230.

Premio # 4 iPhone, Ticket no. 8628 Plus Accountants Caya Dr. J.E.M. Arends.

Premio # 3 Tablet, Ticket no. 11804 Pavia 29E 5644014.

Premio # 2 Dos pasashi Miami, Ticket no. 9451 Jinny Tromp 5662936.

Premio # 1 Auto Ticket no. 1872.

E Premio di e Auto e ganado No a pone su nomber y ningun informacion, pues tin un ganado di auto nobo nobo pero aparentemente e persona cu a cumpra e ticket number 1872, mes no ta na altura cu el a gana! SV Estrella ta haci un yamada na cada persona cu a cumpra un ticket di e rifa di auto, cu porcienta a wordo saca for di tombola, cu e auto ta sin doño, of e tin doño pero e doño mes no a bin reclama su premio ainda.

Cumpliendo cu regla manera a stipula y informa anteriormente, SV Estrella ta duna e oportunidad na e ganado 30 dia pa e por reclama su premio. Despues di 30 dia, si e ganado no bin dilanti y reclama esaki, SV Estrella lo saca un ganado di e auto.

Pues na cada persona cu a cumpra ticket, warda esaki bon pa motibo cu ainda tin chens pa bolbe saca e ganado. Tene bon na cuenta cu SV Estrella no ta bende mas ticket, pues si cualkier persona purba na bende ticket, no cumpra esaki. Danki na tur cu a sostene y coopera cu SV Estrella.

Danki na Stellaris Casino, Pizza Hut, A&H Technical Services, Fortis Realty Aruba y na cada un cu a yuda bende y cumpra ticket.

Minister di Enseñansa cla pa tratamiento di ley di funcitiehuis y structura salarial den Parlamento di Aruba

ORANJESTAD – Riba dia 24 di mei ultimo, Minister di Enseñansa, Michelle Hooyboer-Winklaar a firma y entrega e Nota naar Aanleiding van Verslag (NAV) relaciona cu e ley di Functiehuis, asina finalizando e proceso preparatorio pa tratamiento di e ley den Parlamento di Aruba.

Despues cu na aña 2012 e Minister di Enseñansa, Minister Arthur Dowers, a duna encargo pa desaroya un “Functiehuis” y un structura di salario nobo pa e sector di enseñansa na Aruba, e Minister di Enseñansa actual (Hooyboer-Winklaar) a reactiva e proyecto na 2015 dunando encargo pa finalisa e trabounan necesario pa por implementa e “Functiehuis y

Salarisstructuur” nobo.

E proceso di implementacion, cual ta uno extenso y complica, ta bou di guia di exper-tonan externo KPMG y Balance Consultancy. Diferente stakeholders, manera Direc-tivanan di scolnan subsidia, incluyendo Dienst Publieke Scholen (DPS), Sindicatonan, Departamento Recurso Humano (DRH) y otro instancianan gubernamental, ta envolvi di cerca den e proceso di preparacion y ta yuda pensa constructivamente pa por logra e implementacion di un forma optimal.

Desde momento di inicio di e proceso door di Minister Hooyboer-Winklaar, un Comision di Revision (Stuurgroep) ta supervisa e proceso y ta duna conseho na Minister. E Comision ta consisti di representantenan di Departamento Recurso Humano, sindicatonan SIMAR y SEPPA, consehero di e Bureau di Minister di Enseñansa y directora di Directie Onderwijs cu a fungi como presidente di e Comision. E tarea di e Comision ta pa conseha Minister ariba e proceso corecto pa implementacion di funcitiehuis y structura salarial como tambe supervisa e proceso.

Recientemente e Presidente di e Comision a entrega na Minister e Migratieprotocol cu ta conseha Minister pa cu implementacion di e funcitiehuis y e structura salarial pa



sector di enseñansa di Aruba.

E tabata un trayectoria hopi extensivo y intensivo, y awor e ley ta cla pa trata den Parlamento. Pa brinda informa-

cion di e proyecto aki, Departamento di Enseñansa a crea un pagina special riba su website: www.ea.aw/functiehuis



Caribbean Cinemas
caribbeancinemas.com f Caribbean Cinemas Aruba

MEGAPLEX 8
JUNE 1 - 7

MONDAYS AND WEDNESDAYS
FOR LIMITED TIME ONLY 2D MOVIE TICKET AFL 5,00

WONDER WOMAN
GAL GADOT | CHRIS PINE
WITH SPANISH SUBTITLES
CXC PREMIUM LARGE FORMAT AUDITORIUM
MON-SUN & HOL 3:40 | 6:25 | 9:15
MON-THURS 5:05 | 8:00
FRI 5:05 | 8:00 | 10:55
SAT 2:10 | 5:05 | 8:00 | 10:55
SUN & HOL 2:10 | 5:05 | 8:00

A FAMILY MAN
GERARD BUTLER | ALISON BRIE
MON-FRI 4:30 | 6:55 | 9:20
SAT-SUN & HOL 2:05 | 4:30 | 6:55 | 9:20

PIRATES OF THE CARIBBEAN: SALAZAR'S REVENGE
JOHNNY DEPP | GEOFFREY RUSH
WITH SPANISH SUBTITLES
MON-SUN & HOL 3:50 | 6:30 | 9:10
MON-THURS 4:55 | 7:40
FRI 4:55 | 7:40 | 10:25
SAT 2:10 | 4:55 | 7:40 | 10:25
SUN & HOL 2:10 | 4:55 | 7:40

BAYWATCH
DWAYNE JOHNSON | ZAC EFFRON
MON-THURS 4:25 | 6:55 | 9:25
FRI 4:25 | 6:55 | 9:25 | 11:45
SAT 2:00 | 4:25 | 6:55 | 9:25 | 11:45
SUN & HOL 2:00 | 4:25 | 6:55 | 9:25

EVERYTHING EVERYTHING
AMANDA STENBERG | NICK ROBINSON
WITH SPANISH SUBTITLES
MON-THURS • SUN & HOL 5:15 | 7:25 | 9:35
FRI-SAT 5:15 | 7:25 | 9:35 | 11:45

king arthur
CHARLIE HUNNAM | ASTRID BERGÉS-FRISBEY
WITH SPANISH SUBTITLES
MON-SUN & HOL 9:10

BOSS BABY
ALEC BALDWIN, STEVE BUSCEMI
WITH SPANISH SUBTITLES
SAT-SUN & HOL 2:45

DIARY OF A Wimpy Kid: LONG HAUL
JASON DRUCKER | ALICIA SILVERSTONE
WITH SPANISH SUBTITLES
MON-FRI 4:50 | 7:00
SAT-SUN & HOL 2:40 | 4:50 | 7:00

STARTING JUNE 8 | **SNATCHED • THE MUMMY**

Palm Beach Plaza
Aruba | 586-0074

THE MAGIC OF THE MOVIES
ON YOUR MOBILE DEVICE

Available on the App Store
ANDROID APP ON Google play

Fietspad nobo di 10 kilometer



ORANJESTAD – Ayera minister di Infrastructura Benny Sevinger hunto cu prome minister Mike Eman a anuncia cu den cuadro di Green Corridor lo bin un fietspad di 10

km.

Bon Dia Aruba a publica caba tocante e fietspad den cuadro di un plan grandi di gobierno pa amplia e camindanan pa core bais y conecta

nan cu otro full rond Aruba. Esaki gobierno a presenta durante un encuentro cu e comunidad di ciclista un par di luna pasa den presencia di sr. Eman. E ora nan a bisa cu e fietspad na Green Corridor

lo tin un distancia di algo mas cu 6 km, pero ayera a anuncia cu e caminda aki lo bira mas amplio, esta e 10 km.

E caminda special pa bicicleta ta cuminsa net banda di e rotonde grandi di Ser'i Teisjje, den e vegetacion, segun gobierno. E ta un via, minister Sevinger ta bisa, cu por wordo uza tanto door di esnan cu ta recrea of cu ta practica ciclismo. “E ta un proyecto importante pa nos salud, pa esnan cu kier recrea riba un area di 10 km riba Green Corridor. E ta mas largo, ora e wordo conecta riba Watty Vos Boulevard, cu ta pasa rond di Oranjestad, cu ta encera otro 8 km. Si bo conect'e riba Linear Park, banda di aeropuerto, e ta yega te na Faro, ora cu e ta completamente cla y ta encera mas di 25 km straight

cu por wordo cori di un punto pa otro. Tambe e por wordo conecta cu San Nicolas y por yega te na 30 km.”

E proyecto aki, e mandatario a bisa, ta uno hopi importante pa stimula movilidad di ciclismo na Aruba, alabes brindando esnan cu ta practica e deporte aki mas seguridad den nan movecion. Esaki pasobra e caminda ta separa di unda automobilistanan ta move.

Den cuadro di e proyecto aki Odinsa, e compania Colombia cu ta ehecutando e proyecto di Green Corridor, a informa Gobierno cu nan ta bay regala 1000 bicicleta na muchanan di Aruba na momento cu nan entrega e proyecto aki den luna di augustus awor.



Advertorial

Cu enfoke ariba proteccion di medio ambiente y responsabilidad social Aruba Bank ta Lansa Green Car Loans 2017



ORANJESTAD – Aruba Bank a lansa su programa di prestamo nobo caminda ta ofrece comunidad di Aruba e oportunidad pa cumpra nan auto Electric of Hybrid na un prijs spe-

cial, reduci pa tur interesado.

Desde 2016 Aruba Bank ta activo cu varios esfuerzo bou capa di nan “Green Initiatives” cu e enfoke pa haci

Aruba un miho luga pa biba y traha, por medio di esfuerzonan cu ta proteha nos medio ambiente y ta socialmente responsabel.

Aruba Bank ta un banco cu ta actua na un manera consciente ariba tereno social y di medio ambiente. Respetivamente e banco pionero di Aruba ta desaroya produccionan y ta introduci iniciativanan cu ta permiti su clientenan pa biba na un manera sostenibel y contribui positivamente na nos medio ambiente.

Aruba Bank ta brinda oportunidad na esnan interesa pa cumpra vehiculo tecnologicamente avansa, y haci uzo di e oportunidad cu nan tin pa spaar ariba costo di nummerplaat pa aña y costo di combustibel.

Pa mas informacion por tuma contacto cu Call Center na 527-7700 of bishita nos website na: <https://www.arubabank.com>

A cera e oficina di Post Aruba na Palm Beach



ORANJESTAD – Post Aruba N.V. ta informa tur cliente cu e oficina situa na Palm Beach Plaza Mall a cera.

Pa cu esaki clientenan por haci uzo di e oficinanan situa na Oranjestad, San Nicolas y Sta. Cruz cu ta habri entre dialuna cu diabierna di 7:30am te cu 4:30pm, den e caso di e oficina di Sta. Cruz nos ta cera merdia entre 12pm cu 1pm. Post Aruba ta pidi disculpa pa cualkier inconveniencia cu esaki por causa.

Docente di Universidad Central di Florida, Thomas Baker

Mester haci algun cambio na KIA pa e por funciona miho



endo pe formacion aki y e ta di suma esencia. “Hopi biaha nos ta lubida e desaroyo. Nos ta enfoca solamente riba e tarea cu tin”, Consuela Cam-



ORANJESTAD – KIA a cera un convenio cu Universidad Central di Florida, esaki ta encera cu profesornan di facultad di ‘criminal justice’ ta ofrece training na trahadonan di KIA. Profesor Thomas Baker hunto cu 2 otro colega a duna e curso na cuidadonan di preso.

Durante e curso a dialoga tocante diferente topico y tambe managernan y supervisoran a ricibi un train-

ing. Entro otro e profesornan a splica tocante e forma di acercamento y con pa haci KIA un miho lugha pa tur. E curso lo dura 2 siman y ta consisti di 3 topico relaciona cu etica, integridad, liderazgo y comunicacion cu preso.

Cada klas tin mas o menos 25 persona y nan ta purba di yuda tur. Nan tin un par di dia caba ta dunando e curso. E prome dia a bay bon unda cu a comparti diferente idea den ambos banda. “Nos

a siña un tiki di KIA y Aruba y nos a comparti un tiki riba nos perspectiva pa haci KIA miho pa tur hende”, el a expresa. Tin cosnan cu cada prizon tin den comun, unda cu e cuidadonan di preso tin mesun problemanan. Pero tin diferencianan chikito unda cu Merca ta diferente cu Aruba. “Nos ta mira hopi cos y mester algun cambio pa asina e ta un bon lugha”, Baker a bisa. “Nos ta akinan specialmente

pe desaroyo di detenidonan”, asina Trahadu Social y Relacionista Publico di KIA, esta Consuela Cameron, a remarca. E desaroyo aki ta algo hopi importante di cual ta yuda tambe e personanan ehecuta nan tareanan. Pero tambe pa nan duna un poco mas di loke nan a siña, pero adicional ta e ta duna bo un momento di reflexion abo como persona, abo como profesional. KIA ta hopi contento cu e colaboracion cu nan ta ricibi-

eron a remarca. Pero e desaroyo mester keda riba un base continuo y esey ta loke nan ta ricibiendo actualmente, den cooperacion cu diferente instancia local y tambe internacional cu tin nan influencia. Tin diferente grupo cu ta participa na esaki y tur ta varia den diferente profesion y diferente disciplina. Actualmente tin lesnan di maneho, lesnan tocante disciplina, moralidad cu ta ehecuta, etica cu mester tin pa trabou, tambe comunicacion cu e cliente. Eseyan ta training/lezing cu tur persona ta ricibiendo actualmente. “Nos ta hopi contento cu e cooperacion cu nos tin cu universidad central di Florida cu nan ta brinda nos e aspecto aki. E ta un rosea fresco, pasobra nan tin otro forma di mira y ta yuda nos tambe recapacita un rato riba kico nos ta haciendo actualmente”, Consuela Cameron a remarca.